

# ହୋଟଦେର କଳାବତୀ

୭ତ୍ରେଲୋକନାଥ ଶୁଖୋପାଧୀୟେର  
ମୂଲ ଗ୍ରନ୍ଥ ହିତେ  
ଆନନ୍ଦନାଥ ବନ୍ଦ କର୍ତ୍ତକ  
ସଂକଷିପ୍ତ ଆକାରେ ସଂକଲିତ

ଇଣ୍ଡିଆନ ଅୟାସୋସିୟେଟେଡ୍ ପାବ୍‌ଲିଶିଂ କୋଂ ଲିଃ  
୪୩, ବ୍ରାହ୍ମନାଥ ମହିମଦାର ଟ୍ରାଈ, କଲିକାତା ୧  
୧୩୯୭

প্রকাশক :

শ্রীজিতেন্দ্রনাথ মুখোপাধ্যায়, বি. এ.

ইণ্ডিয়ান অ্যাসোসিয়েটেড পাবলিশিং কোং লিঃ

৮-সি, রমানাথ মজুমদার ষ্ট্রিট, কলিকাতা ৭

প্রথম প্রকাশ চৈত্র, ১৩৫৭

দাম একটাকা।

মুদ্রাকর :

শ্রীত্বিদিবেশ বহু, বি. এ.

কে. পি. বহু প্রিচিং ওয়ার্কস্

১১, মহেন্দ্র গোষ্ঠী লেন, কলিকাতা

পঞ্চম স্নেহাস্পদ শ্রীমান শুণির্জনকে  
উপহার দেওয়া হইল



## ভূমিকা

ঢেলোক্যনাথ মুখোপাধ্যায়ের অমর রসরচনা কঙ্কাবতী সংক্ষিপ্ত আকারে বাংলাদেশের ছেলেমেয়েদের হাতে দিবার জন্য ভূমিকার প্রয়োজন নাই। শুধু যাহাদের সাহায্য না পাইলে বইটি প্রকাশ করা সম্ভবপর হইত না এই স্বয়েগে তাহাদের নিকট 'আমার ঝণ স্বীকার করি। সর্বাগ্রে ঢেলোক্যনাথের গ্রন্থগুলির বর্তমান সম্বাধিকারিগণকে আমার কৃতজ্ঞতা জ্ঞাপন করিতেছি। গ্রন্থটির পাণ্ডুলিপি কয়েক বৎসর পূর্বেই প্রস্তুত ছিল, কিন্তু তখন নানা কারণে বইটি প্রকাশ করা সম্ভব হয় নাই। সম্প্রতি ইণ্ডিয়ান অ্যাসোসিয়েটেড পাব্লিশিং কোম্পানীর কর্তৃপক্ষগণ উৎসাহ করিয়া উহা প্রকাশ করিবার ব্যবস্থা করিয়া আমাকে কৃতজ্ঞতাবদ্ধ করিয়াছেন।

যত দূর সম্ভব মূল গ্রন্থের ভাব ও গল্পাংশ অবিকৃত রাখিয়া বইটি যাহাতে ছোট ছোট ছেলেমেয়েদের উপযোগী হয় তাহার চেষ্টা করিয়াছি। এখন ইহা তাহাদের চিন্ত বিনোদন করিলেই আমার অম সার্থক হইবে।

দিল্লী  
১৫ আগস্ট, ১৯৫০

অনাথনাথ বন্দু



# ছেটদেৱ কঙ্কালতী

## প্ৰথম ভাগ

### প্ৰথম পরিচ্ছন্ন

অতি পুৱানো কথা । কঙ্কালতীৰ কথা অনেকেই জানে ।  
ছেলেবেলায় কঙ্কালতীৰ কথা অনেকেই শুনিয়াছে ।

মনে পড়ে সুয়োৱানী ছয়োৱানীৰ কথা ।  
মনে পড়ে অভিমানী কঙ্কালতীৰ কথা ॥  
সেই সঙ্গে মনে পড়ে ছেলেবেলাৰ গান ।  
বৃষ্টি পড়ে টুপুৰ টাপুৰ নদী এলো বান ॥  
সেই কঙ্কালতীৰ কথা বলি শোন ।

### দ্বিতীয় পরিচ্ছন্ন

## কুসুমঘাটী

গ্ৰামেৰ নাম কুসুমঘাটী । বেশ বড় গ্ৰাম, অনেক লোকেৱ  
ধাস । গ্ৰামেৰ পাশে মাঠ । এককালে সেই মাঠে ডাকাতেৱা  
মানুষ মাৰিত । লোকে বলিত তাহাৱা মৱিয়া ভূত হইত,  
আৱ বট, অশ্বথ, বেল প্ৰভৃতি গাছে বাস কৱিত । গ্ৰামেৰ

## ছোটদের কঙ্কাবতী

পাশ দিয়া একটি নদী বহিয়া গিয়াছে। তাহাতে নাকি শিকড়-  
হাতে “জটে বুড়ি” আছে, “জীবন্ত পাথর” আছে। “জীবন্ত  
পাথর” সুবিধা পাইলেই মানুষের বুকে চাপিয়া বসে। কুসুম-  
ঘাটীর কিছু দূরেই পাহাড়। পাহাড় ঘন বনে ঢাকা। সেই  
বনে বাঘভালুক থাকে। বাঘে লোকের গরুবাচুর লইয়া  
যায়। মাঝে মাঝে এক একটা বাঘ মানুষ খাইতে শেখে।  
তখন সে মানুষ ছাড়া আর কিছু খায় না। লোকে তাহার  
জালায় জালাতন হইয়া তাহাকে মারে। এক একটা বাঘ কিন্তু  
এমনি চালাক যে কেহ তাহাকে মারিতে পারে না। লোকে  
বলে সে সত্যিকারের বাঘ নয়, সে মানুষ। বনে একরকম  
শিকড় আছে, তাহা মাথায় পরিলে মানুষ তখনই বাঘের  
রূপ ধরিতে পারে। কাহারও সঙ্গে ঝগড়া থাকিলে লোকে  
সেই শিকড়টি মাথায় পরিয়া বাঘ হয়, বাঘ হইয়া শক্রকে  
মারে। তাহার পর আবার শিকড় খুলিয়া মানুষ হয়। কেহ  
কেহ শিকড় খুলিয়া ফেলিতে পারে না, সে চিরদিনই বাঘ  
থাকিয়া যায়। এই বাঘ ভারী দৃষ্ট হয়।

কুসুমঘাটীর লোকের মনে এইভাবের নানা রকমের  
বিশ্বাস আর ভয় আছে। কিন্তু আজকাল সকলের মন হইতে  
এইসব ভয় ক্রমে দূর হইতেছে। আজকাল আর লোকে  
ভূতপ্রেত মানে না।

## তৃতীয় পরিচ্ছন্ন

### তনু রায়

শ্রীযুক্ত রামতনু রায় মহাশয়ের বাস কুমুমঘাটী। সকলে  
তাঁহাকে তনু রায় বলিয়াই ডাকে। ইনি গোড়া ব্রাহ্মণ। বয়স  
হইয়াছে, ব্রাহ্মণের আচারবিচার ক্রিয়াকর্মে তাঁহার খুব  
বিশ্বাস; লোককে দেখাইয়া, সন্ধ্যাহিক, জপতপ, শ্রাদ্ধতর্পণ  
আদি করেন। লোকে তাই তাঁহাকে খুব ভক্তি করে।

যথনকার কথা বলিতেছি তখন ব্রাহ্মণদের কোন কোন  
শ্রেণীর মধ্যে মেয়ের বিবাহ দিবার সময় টাকা লইবার  
রীতি ছিল। তনু রায় এই রীতি খুব মানিতেন; তাঁহার  
তিনটি কন্তা আর একটি পুত্র ছিল। কন্তা দুইটির বিবাহ  
দিয়া তিনি টাকা লইয়াছিলেন। শুধু তাহাই নহে, বেশী বয়সের  
বরের সঙ্গে বিবাহ দেওয়াতে মোটা টাকাই লইয়াছিলেন।  
কোন মেয়েই বেশী বয়সের বুড়া বর পছন্দ করে না।  
কিন্তু তনু রায় মেয়ের কথা না ভাবিয়া টাকার লোভে দুই  
বুড়া জামাই করিলেন। এক বৎসরের মধ্যেই জামাই  
মরিয়া গেল, মেয়ে দুইটি বিধবা হইল। কিন্তু তাহাতে  
তনু রায়ের দুঃখ নাই। তনু রায়ের ছেলেও বাবাৰ মত  
হইয়াছে।

তনু রায়ের স্ত্রী কিন্তু অন্ত প্রকৃতিৰ মানুষ। বড় দুইটি  
মেয়েৰ বিবাহে তিনি খুব কান্নাকাটি করিয়াছিলেন। কিন্তু  
তাঁহার স্বামী তো মানিবাৰ পাত্ৰ নন। মেয়েৱা বিধবা হইলে

তাঁহার বুক চোখের জলে ভাসিয়া গেল। প্রতিদিন পূজা করিয়া তিনি ঠাকুর-দেবতাদের কাছে প্রার্থনা করেন, “হে মাকালি, হে মা দুর্গা, হে ঠাকুর, যেন আমার কঙ্কাবতীর বরটি মনের মত হয়।”

কঙ্কাবতী তনু রায়ের ছেট মেয়ে, এখনও নিতান্ত শিশু।

তনু রায়ের সঙ্গে নিরঞ্জন কবিরভোরের ভাব নাই। নিরঞ্জন তনুরায়ের প্রতিবেশী; নিরঞ্জন বলেন, “রায়মশায়, কন্তার বিবাহ দিয়া টাকা লইবেন না, টাকা লইলে বড় পাপ হয়।” তনু রায় তাই নিরঞ্জনকে দেখিতে পারেন না।

নিরঞ্জন যেমন ভাল লোক তেমনই পণ্ডিত। অধ্যয়ন অধ্যাপন আৰ শাস্ত্ৰচৰ্চা লইয়াই তাঁহার দিন কাটে। এক-কালে তাঁহার টোলে অনেক ছাত্র ছিল; তিনি তাহাদের খাইতে পরিতে দিতেন, লেখাপড়া শিখাইতেন। তখন তাঁহার অবস্থা ভাল ছিল। একবাৰ গ্রামেৰ জমিদাৰ জনাদন চৌধুৱী তাঁহার ব্রহ্মোত্তৰ জমিৰ উপৰ লোভ কৰিয়াছিল, তাই তিনি সে জমি তাহাকে ফিরাইয়া দিয়াছিলেন। তাহার পৱ হইতে তাঁহার অবস্থা খারাপ হইল। নিরঞ্জনেৰ তাহাতে কোন দুঃখ নাই। তিনি খাঁটি লোক; অন্তায়েৰ কাছে মাথা নীচু কৱিবাৰ, খোসামোদ কৱিবাৰ অথবা অপমান সহ কৱিবাৰ লোক নহেন। অবস্থা খারাপ হইবাৰ সঙ্গে সঙ্গে তাঁহার ছাত্ৰেৱা তাঁহাকে ছাড়িয়া গোবৰ্ধন শিরোমণিৰ টোলে চলিয়া গেল। গোবৰ্ধন শিরোমণি জনাদন চৌধুৱীৰ সভাপণ্ডিত; তিনি

নিরঞ্জনের চেয়ে অনেক বেশী বৃদ্ধিমান। তিনি বড়লোকের মন জোগাইয়া কথা বলিতে জানেন। তাই তাঁহার উন্নতি হয়, আর নিরঞ্জনের ছঃখকষ্টে দিন কাটে।

### চতুর্থ পরিচ্ছেদ

#### খেতু

তনু রায়ের পাড়ায় একটি ছঃখিনী ব্রাহ্মণী বাস করেন। লোকে তাঁকে খেতুর মা বলিয়া ডাকে। খেতুর মা আজ ছঃখিনী বটে কিন্তু এক সময়ে তাঁর অবস্থা ভাল ছিল। তাঁর স্বামী শিবচন্দ্র মুখোপাধ্যায় লেখাপড়া জানিতেন, কলিকাতায় কাজকর্ম করিতেন, ভাল রোজগার করিতেন। কিন্তু তিনি টাকাকড়ি রাখিতে জানিতেন না। পরের ছঃখে তিনি বড় কাতর হইতেন ও যথাসাধ্য পরের ছঃখ দূর করিবার চেষ্টা করিতেন। তিনি অনেক লোককে অন্ন দিতেন ও অনেক ছেলের লেখাপড়ার খরচ দিতেন। এমন লোকের হাতে পয়সা থাকে না। বেশী বয়সে তাঁর ছেলে হইয়াছিল; তাঁর নাম রাখিয়াছিলেন ক্ষেত্র। তাই তাঁর স্ত্রীকে সকলে খেতুর মা বলিয়া ডাকে।

খেতুর যখন চার বৎসর বয়স তখন শিবচন্দ্র হঠাৎ মারা গেলেন। তিনি একটি পয়সাও রাখিয়া যান নাই; তাই তাঁর মৃত্যুতে খেতু ও খেতুর মাকে পথে দাঁড়াইতে হইল। শিবচন্দ্র

## ছোটদের কঙ্কালতী

তো অনেক লোকের উপকার করিয়াছিলেন, বিপদের দিনে কিন্তু তাহারা কেহই আসিল না, এক রামহরি মুখোপাধ্যায়ই তাহাদের সহায় হইলেন। তিনি কলিকাতা হইতে দুঃখিনী বিধবাকে চালের দামটি পাঠাইয়া দিতেন, আর বেশী করিতে পারিতেন না ; কিন্তু সেইটুকুই বা করে কে ? খেতুর মাপৈতা কাটিয়া কোনও মতে দিন কাটাইতেন। দেশেও নিরঙ্গন কবিরত্ন ছাড়া আর কেউ তাহাদের সহায় ছিল না।

এইভাবে অতিকষ্টে তাহাদের দিন কাটে, খেতুও বড় হয়। সে বড় গুণী ছেলে, তাহার অনেক গুণ। সে মায়ের দুঃখ বোঝে, মায়ের কথা শোনে, ছোটবেলা হইতেই তার মায়ের দুঃখ দূর করিবার চেষ্টা। সে গাঁয়ের পাঠশালায় পড়ে। দুই বৎসরেই সে তালপাতা শেষ করিয়া কলাপাতা ধরিয়াছে। গুরুমহাশয় বলেন, খেতু সকলের চেয়ে ভাল ছেলে। সে এদিকে যেমন শান্ত স্বৰোধ, ওদিকে আবার তেমনি সাহসী।

খেতুর যখন সাত বৎসর বয়স তখন রামহরি দেশে আসিয়া খেতুকে লেখাপড়া শিখাইবার জন্য কলিকাতায় লইয়া যাইবার প্রস্তাব করিলেন। খেতুর মা প্রথমটা কিছুতেই মত দিবেন না ; তিনি ছেলেকে ছাড়িয়া থাকিতে পারিবেন না, ছেলে কলিকাতায় লেখাপড়া শিখিয়া বদ হইয়া যাইবে, এইরকম কথা বলিতে লাগিলেন। রামহরি তাহাকে অনেক বুঝাইলেন, বলিলেন, “কোন ভয় নাই, লেখাপড়া শিখিলে সকলেই তো বদ হয় না।” খেতুকে তিনি নিজের কাছে রাখিয়া লেখাপড়ার ব্যবস্থা করিয়া দিবেন, নিজের ছেলের চেয়েও যত্ন করিবেন। তিনি নিয়মমত

তাঁহাকে খবর দিবেন ; আর, কিছুদিন পরে ছেলেই লেখাপড়া শিখিয়া তাঁহাকে চিঠি দিবে, ছুটির সময়টা তাঁহার কাছে কাটাইয়া যাইবে। এইসব শুনিয়া অবশ্যে খেতুর মা রাজী হইলেন। ঠিক হইল, আজ শুক্রবার, আর চারদিন পরে বুধবারে তিনি খেতুকে লইয়া কলিকাতা রওনা হইবেন।

### পঞ্চম পরিচ্ছন্ন

#### কলিকাতা যাত্রা

যেদিন রামহরির সঙ্গে কথাবার্তা হইল সেদিন রাত্রে খেতুর মা খেতুকে কলিকাতা যাইবার কথা বলিলেন। মা সঙ্গে যাইবেন না শুনিয়া খেতু প্রথমটা আপত্তি করিল। তখন মা তাকে বুবাইলেন ; “তুমি এখন বড় হয়েছ, এখন তোমাকে লেখাপড়া শিখে মানুষ হতে হবে ; তবেই আমাদের দুঃখ দূর হবে। তুমি মানুষ হয়ে রোজগার করবে, তখন আর আমাকে পৈতা কাটতে হবে না। আমি তখন স্বর্ণে স্বচ্ছন্দে থাকব, পূজা-আচা করব।”

খেতু বলিল, “মা, আমি গেলে তুমি কাঁদবে না তো ?”  
 মা বলিলেন, “না বাছা কাঁদব না।” মা বলিলেন, “তুমি লেখাপড়া শিখবে, আমাকে চিঠি লিখবে, আর ছুটির সময় আমার কাছে আসবে।”

## ছেটদের কক্ষাবতী

খেতু বলিল, “মা, কলকাতায় কি মালা পাওয়া যায় ?  
তোমার জন্য মালা কিনে আনব ; তুমি জপ করবে ।”

এইভাবে মায়েপোয়ে অনেক কথা হইল ।

তারপর কলিকাতা যাইবার আয়োজনের পালা আরম্ভ  
হইল । মা ছেলের ছেঁড়া কাপড়গুলি সেলাই করিয়া সেগুলি  
ক্ষারে কাচিয়া পরিষ্কার করিয়া দিলেন । খেতু নিরঙ্গন কাকার  
নিকট বিদায় লইয়া আসিল ; নিরঙ্গন তাহাকে আশীর্বাদ  
করিলেন, নানা ভাল কথা বলিলেন ।

মঙ্গলবার রাত্রে মাতাপুত্রের আর ঘূম হইল না ; দুইজনে  
কেবল কথা বলিতে লাগিলেন ; কথা যেন আর ফুরায় না ।

সকালবেলায় রামহরি আসিলেন । খেতুর মা খেতুর  
কপালে দইয়ের ফেঁটা দিলেন, চাদরের খুঁটে পূজার ফুল ও  
বেলপাতা বাঁধিয়া দিলেন । ছেলেকে বিদায় দিতে তাহার বুক  
যেন ফাটিয়া যাইতেছিল, চোখে জল ধরিতেছিল না । কিন্তু  
পাছে চোখের জল পড়িলে অকল্যাণ হয় তাই চোখের জল  
চাপিয়া রাখিয়াছিলেন । রামহরি ও খেতু তাহাকে প্রণাম  
করিয়া বিদায় লইল । যতক্ষণ দেখা যায় ততক্ষণ তিনি  
অনিমেষ চোখে তাহাদের পথের দিকে চাহিয়া থাকিলেন ।  
খেতুও মাঝে মাঝে পিছনে ফিরিয়া মাকে দেখিতেছিল ।  
যখন আর দেখা গেল না, তখন খেতুর মা পথে লুটাইয়া  
কাদিতে লাগিলেন । তাহার চোখের জলে পথের ধূলা  
ভিজিয়া গেল ।

ষষ্ঠি পরিচ্ছন্ন

## কঙ্কাবতী

পথে পড়িয়া খেতুর মা কাঁদিতেছেন, এমন সময়ে তনু  
রায়ের স্ত্রী সেইখানে আসিলেন। তিনি খেতুর মার হাত  
ধরিয়া উঠাইয়া চোখের জল মুছাইয়া দিলেন, তাঁহাকে ঘরে  
লইয়া গেলেন। সেখানে অনুকরণ ধরিয়া দুজনে খেতুর গল্প  
করিলেন। খেতুর মা খাইবেন না, তনু রায়ের স্ত্রী বলিলেন,  
না খাইলে খেতুর অকল্যাণ হইবে, এই বলিয়া তরকারি  
কুটিয়া বাটনা বাটিয়া দিলেন। তাঁহার কথায় খেতুর মা  
কতকটা শাস্তি হইলেন। তাঁহাকে শাস্তি করিয়া তনু রায়ের স্ত্রী  
নিজের বাড়ী গেলেন, বলিয়া গেলেন, ওবেলায় আবার আসিব।

বৈকালে তিনি আবার আসিলেন; তাঁহার সঙ্গে কোলের  
মেয়েটি ছিল। তাঁহাকে দেখিয়া খেতুর মার বড় ভাল  
লাগিল। মেয়েটি বড় সুন্দর, যেমন মুখ, তেমনি চুল,  
তেমনি রং।

দুইজনের অনেক সুখসুঁথের গল্প হইল।

খেতুর মা জিজ্ঞাসা করিলেন, “মেয়েটির কি নাম রেখেছ ?”  
তনু রায়ের স্ত্রী বলিলেন, “কঙ্কাবতী”। খেতুর মা বলিলেন,  
“কঙ্কাবতী ! দিব্য নামটি তো, মেয়েটি যেমন নরম নামটিও  
তেমনই মিষ্টি ।”

এইরকমে খেতুর মাতে ও তনু রায়ের স্ত্রীতে ক্রমে খুব  
ভাব হইল। অবসর পাইলেই তনু রায়ের স্ত্রী খেতুর মার

কাছে যান, খেতুর মাও তহু রায়ের স্ত্রীর কাছে যান। মাৰে  
মাৰে তহু রায়ের স্ত্রী কঙ্কাবতীকে খেতুর মার কাছে  
ছাড়িয়া যান।

মেয়েটি এখনও হাঁটিতে শেখে নাই, তাৰ বয়স এখন সবে  
এক বৎসৰ পূৰা হইয়াছে। সে হামাগুড়ি দেয়, নিজেৰ মনে  
খেলা কৱে। খেতুর মা মাৰে মাৰে তাকে ছএকটি কথা  
বলেন ; কথা বলিলে মেয়েটি গাল ভরিয়া হাসে। মেয়েটি  
বড় শান্ত, একেবাৰে কাঁদিতে জানে না।

### সপ্তম পরিচ্ছন্ন

### খেতু ও কঙ্কাবতী

কলিকাতায় গিয়া খেতু ভাল কৱিয়া লেখাপড়া শিখিতে  
লাগিল। শান্ত, শিষ্ট, স্বুদ্ধি ছেলে, খেতুৰ নানা গুণ দেখিয়া  
সকলেই তাহাকে ভালবাসিত। রামহরি ও রামহরিৰ স্ত্রী  
খেতুকে নিজেৰ ছেলেৰ মত ভালবাসেন।

ইঙ্গুলে খেতুৰ বুদ্ধি দেখিয়া সকলেই অবাক হইল। সে  
সব বিষয়ে প্ৰথম। যখন যে শ্ৰেণীতে পড়ে তখন সে শ্ৰেণীৰ  
সবচেয়ে ভাল ছেলে খেতু ; খেতুৰ উপৱে কেহ উঠিতে পাৱে  
না। এইভাৱে সে এক শ্ৰেণী হইতে আৱ এক শ্ৰেণীতে  
উঠিতে লাগিল।

জল খাইবাৰ জন্য রামহরি খেতুকে একটি কৱিয়া পয়সা দিতেন ; খেতু বেশীৰ ভাগ দিনই জলখাবাৰ না খাইয়া পয়সা জমাইত, মায়েৰ জন্য মালা কিনিয়া লইয়া যাইবে ।

রামহরি হঠাৎ একদিন কথাটা জানিতে পারিলেন ; জানিতে পারিয়া তিনি খুশীই হইলেন, খেতুকে বকিলেন না । বলিলেন, তিনি মালা কিনিয়া দিবেন ।

পূজাৰ ছুটি আসিল । খেতু জমানো পয়সা তাহাকে আনিয়া দিল মালা কিনিবাৰ জন্য । রামহরি গণিয়া দেখেন, একটাকা হইয়াছে । তিনি আট আনা দিয়া একটা ভাল মালা কিনিয়া দিলেন, আৱ বাকি আট আনা খেতুকে ফিরাইয়া দিলেন, বলিলেন, ‘মাকে দিও ।’

বাড়ী যাইবাৰ দিন নিকটে আসিল । গ্রামে লোক যাইতেছিল, রামহরি তাহাদেৱ সঙ্গে খেতুকে বাড়ী পাঠাইয়া দিলেন । খেতুৰ মা খবৱ পাইয়া পথে আসিয়া দাঢ়াইয়া ছিলেন ; দূৰ হইতে খেতুকে দেখিতে পাইয়া ছুটিয়া গিয়া তাহাকে জড়াইয়া ধরিলেন । ছেলেকে বুকে পাইয়া তিনি যেন স্বর্গস্থুৰ পাইলেন । তিনি খেতুকে কোলে তুলিয়া বাড়ী লইয়া গেলেন । কোলে যাইতে খেতু পয়সাগুলি চুপি চুপি মাৱ আঁচলে বাঁধিয়া দিল । বাড়ী যাইয়া যখন খেতু মাৱ কোল হইতে নামিল তখন মাৱ আঁচল ভাৱী ঠেকিল । মা বলিলেন, “এ আবাৰ কি ? খেতু, তুমি বুঝি আঁচলে পয়সা বেঁধে দিলে ?”

খেতু হাসিয়া উঠিয়া বলিল, “মা, রও, তোমাকে আৱও

একটা তামাসা দেখাই।” এই বলিয়া মালাটি মার গলায় দিয়া দিল। বলিল, “কেমন মা, মনে আছে তো?” মায়ের মনে বড় শুধু হইল।

পরদিন খেতু দেখে যে তাহাদের বাড়ীতে কোথা হইতে একটি ছেট মেয়ে আসিয়াছে।

খেতু মাকে জিজ্ঞাসা করিল, “মা, এ মেয়েটি কাদের গো?” মা কঙ্কাবতীর পরিচয় দিলেন।

খেতুর কঙ্কাবতীকে বড় ভাল লাগিল, বলিল, “এবার যখন আসব এর জন্য একটা পুতুল কিনে আনব।” মা শুনিয়া খুশী হইলেন।

## অষ্টম পর্বিচ্ছেদ

### মেনী

পূজার ছুটি ফুরাইল; খেতু কলিকাতায় ফিরিয়া গেল। সেখানে সে খুব মন দিয়া লেখাপড়া শিখিতে লাগিল। বৎসরের মধ্যে দুইবার ছুটি হয়। সেই সময়ে সে দেশে আসে। আসিবার সময় মার জন্য কোন না কোন জিনিস, আর কঙ্কাবতীর জন্য পুতুল বা খেলনা লইয়া আসে। কঙ্কাবতী প্রায়ই খেতুর মার কাছে থাকে, তিনি কঙ্কাবতীকে বড় ভালবাসেন।

খেতুৱ যখন বাৰ বৎসৱ বয়স তখন সে এক বড়লোকেৱ ছেলেকে পড়াইতে লাগিল। তিনি তাহাকে এইজন্ম মাসে মাসে পাঁচ টাকা দিতেন। সে টাকা রামছৰি তাৰ মাকে পাঠাইয়া দিতেন। বাৰ বছৱেৱ ছেলে এইভাৱে মাকে প্ৰতিপালন কৱিতে লাগিল।

এবাৰ যখন খেতু ছুটিতে বাড়ী আসিল তখন মায়েৱ জন্ম একখানি নামাবলী, আৱ কঙ্কাবতীৰ জন্ম একটা রাঙা কাপড় আনিল। দুজনেই খুব খুশী।

খেতুৱ ভাৱী ইচ্ছা কঙ্কাবতীকে লেখাপড়া শেখায় ; মাকে সে কথা বলিল ; মা তহুৰ রায়েৱ স্ত্ৰীকে বলিলেন। তাঁৰ নিজেৱ মত ছিল, কিন্তু স্বামীৰ মত দৱকাৰ ; তাই তিনি স্বামীৰ কাছে কথাটা পাঢ়িলেন ; খেতু যে কঙ্কাবতীৰ জন্ম কাপড় আনিয়াছে সেটি দেখাইলেন। তহুৰ রায় ভাৱিয়া দেখিলেন মেয়ে লেখাপড়া শিখিলে ভাল বই মন্দ হইবে না, আৱ তাঁহাৰ তো খৰচ নাই সুতৰাং তিনি মত দিলেন ; বলিলেন, “খেতু ছেলেটি ভাল, লেখাপড়ায় মন আছে। দুপয়সা এনে খেতে পাৱবে।”

এবাৰ যখন খেতু বাড়ী আসিল কঙ্কাবতীৰ জন্ম একটি প্ৰথম ভাগ কিনিয়া আনিল। লেখাপড়া শেখায় কঙ্কাবতীৰ প্ৰথমটা খুব উৎসাহ দেখা গেল। কিন্তু দুচাৱদিন পৱেই সে দেখিল লেখাপড়া শেখা অত সহজ নয়। খেতু তাহাকে শিখাইতে যায়, সে সব ভুল কৱে। খেতুৱ রাগ হইল ; সে

বলিল, “কঙ্কাবতী, তোমার লেখাপড়া হবে না, তুমি চিরকাল  
মূর্খ হয়ে থাকবে।”

অভিমানী কঙ্কাবতী কাঁদিতে লাগিল। খেতুর মা বলিলেন,  
“ছেলেমানুষ, তাকে মিষ্টি কথায় শেখাইতে হয়, রাগ করলে  
কি চলে।”

খেতু বলিল, “কঙ্কাবতী রাতদিন মেনীকে নিয়ে থাকে;  
তাতে কি লেখাপড়া হয় ?” .

মেনী কঙ্কাবতীর পোষা বিড়াল, বড় আদরের ধন।

কঙ্কাবতী বলিল, “জেঠাই মা, আমি মেনীকে ক খ  
শেখাই। আমি যেমন বোকা, সেও তেমনি বোকা। শিখতে  
পারে না। আমরা দুজনেই তো ছেলেমানুষ ; বড় হলে আমরা  
দুজনেই লেখাপড়া শিখব।”

কঙ্কাবতীর কথা শুনিয়া খেতু খুব হাসিল।

যাহা হোক ক্রমে কঙ্কাবতী প্রথম ভাগ পড়িতে শিখিল।  
ছুটির শেষে খেতু বলিল, “এবার আসবার সময় তোমার জন্ম  
দ্বিতীয় ভাগ আনব। এই ক'মাস প্রথম ভাগটা বার বার পড়ে  
রেখো।”

দ্বিতীয় ভাগ আসিলে কঙ্কাবতী সেটিও পড়িয়া শেষ  
করিল। কঙ্কাবতীর পড়ায় মন বসিয়াছে, এখন আর  
তাহাকে পড়াইতে হয় না, নিজে নিজেই পড়ে ও শেখে।  
খেতু কঙ্কাবতীকে একটি পাটিগণিত দিয়াছে, তাহা  
হইতে সে অঙ্ক শিখিল। খেতু মাঝে মাঝে একটু আধটু  
বলিয়া দিত।

কঙ্কাবতী পড়িতে ভালবাসিত। খেতু তাহার জন্ম  
কলিকাতা হইতে নানারকম বই ও খবরের কাগজ আনিয়া  
দিত। কঙ্কাবতী সেগুলি মন দিয়া পড়িয়া শেষ করিত,  
বিজ্ঞাপনগুলি পর্যন্ত পড়িয়া ফেলিত।

### অবস্থা পরিষ্কারণ

#### সম্বন্ধ

তের বছর বয়সে খেতু ইংরেজীতে প্রথম পাসটি দিল ;  
পাস করিয়া সে জলপানি পাইল। জলপানির টাকায় সে  
মার জন্ম একটি ঝি রাখিয়া দিল। মা এখন বুড়া হইয়াছেন  
সব কাজ আর করিতে পারেন না।

পনর বছর বয়সে খেতু আর একটি পাস দিল, দিয়া আবার  
জলপানি পাইল। এবার জলপানি কিছু বেশী হইল। সতের  
বৎসর বয়সে সে আবার একটি পাস দিয়া জলপানি পাইল।  
এবার জলপানি আরও বেশী হইল।

খেতু জলপানির টাকা দিয়া মায়ের দুঃখ ঘুচাইল। মার  
আর কোন অভাব রহিল না। তিনি যখন যাহা চান তখনই  
তাহা পান। একদিন মা শিবপূজার ফুল পান নাই।  
তাই শুনিয়া খেতু মায়ের পূজার ফুলের জন্ম বাড়ীতে ফুলের  
বাগান করিয়া দিল, কলিকাতা হইতে নানা রকমের গাছ

আনিয়া পুঁতিল। নানা রঙের ফুলে বাগানটি বারো মাস আলো হইয়া থাকিত।

বাড়ী আসিবার সময় খেতু মার জন্ম করকম জিনিস আনিত। শুধু মার জন্মই নহে, গ্রামের যে সকল আত্মীয়স্বজন ছিল সকলেরই জন্ম কিছু না কিছু আনিত। কঙ্কাবতীর জন্ম বই কাগজপত্র আনিত; পাড়ার নিরঞ্জন কাকার জন্ম কিছু আনিত। সকলেই খেতুকে ভালবাসিত, খেতুকে আশীর্বাদ করিত।

কঙ্কাবতী এখন বড় হইয়াছে। সে আর এখন খেতুর সামনে বড় বাহির হয় না; খেতুকে দেখিলে এখন তার লজ্জা হয়।

খেতু বড় হইয়াছে; কিন্তু রামহরি ও রামহরির স্ত্রী এখনও খেতুকে আগের চোখেই দেখিতেন, তাহাকে ছেলের মত ভালবাসিতেন।

খেতু তিনটা পাস দিল। তখন রামহরির কাছে নানা জায়গা হইতে তাহার সম্বন্ধ আসিতে লাগিল; রামহরি বলিলেন খেতুর মার মত লইয়া তিনি ঠিক করিবেন।

এদিকে কঙ্কাবতীরও বিবাহের বয়স হইয়াছে। তাহার যেমন রূপ তেমনি গুণ। মা তাহা দেখিয়া তনু রায়কে বলিলেন, “এইবার কঙ্কাবতীর বিয়ে দিয়ে আমার একটি সাধ পূর্ণ কর।” তনু রায় এতদিন মেয়ের দিকে চাহিয়া দেখেন নাই, এখন দেখেন সত্যাই তো মেয়ে বড় হইয়াছে। এইবার তার বিবাহ দিতে হয়। তনু রায় স্ত্রীকে জিজ্ঞাসা করিলেন,

“তোমার সাধটা কি শুনি।” স্ত্রী বলিলেন, “আমার সাধ ঝি-জামাটি নিয়ে আহ্লাদ করি। ইই মেয়ের বিয়ে তুমি দিলে ; আমার সাধ মিটিল না ; সে যা হবার হয়েছে, এখন কঙ্কাবতীর একটা ভাল দেখে বিয়ে দাও, আমার সাধ পূর্ণ হোক।”

স্ত্রী বল, পুত্র বল, কন্তা বল টাকার চেয়ে তনু রায়ের কাছে কেহ প্রিয় নয়। কিন্তু তবুও কঙ্কাবতী তাহার কোলের মেয়ে, তাহাকে তনু রায় বড় ভালবাসেন।

কিছুক্ষণ ভাবিয়া তিনি বলিলেন, “আচ্ছা, আমি না হয় কঙ্কাবতীর বিয়ে দিয়ে টাকা না নিলাম ; কিন্তু তাই বলে ঘর থেকে তো টাকা দিতে পারব না, আর টাকা না দিলে ভাল পাত্র মিলবে না। তার কি করব ?”

তনু রায়ের স্ত্রী বলিলেন, “আচ্ছা আমি যদি বিনা টাকায় ভাল পাত্রের সন্ধান দিতে পারি, তুমি তার সঙ্গে কঙ্কাবতীর বিয়ে দেবে কিনা বল ?”

তখন তিনি খেতুর কথা বলিলেন। তনু রায় প্রথমটা একটু আপত্তি করিয়া পরে বলিলেন, “আচ্ছা, তাড়াতাড়ি নাই, দেখা যাক।”

এদিকে রামহরি খেতুর মাকে খেতুর সন্তক্ষের কথা লিখিলেন। কোন্ এক বড়লোক অনেক টাকাকড়ি দিয়া খেতুর সঙ্গে তার মেয়ের বিবাহের কথা পাড়িয়াছেন, সেখানে বিবাহ দেওয়া হইবে কিনা তাহাই জিজ্ঞাসা করিলেন। খেতুর মা সে চিঠি তনু রায়ের কাছে পড়াইতে আনিয়াছিলেন। তিনি তো পড়িয়াই অবাক।

এদিকে খেতুর অন্ত জায়গায় বিবাহ হইবে একথা শুনিয়া অবধি কঙ্কাবতীর মা স্বামীর কাছে কান্নাকাটি করিতে লাগিলেন। তনু রায় অনেক ভাবিয়া দেখিলেন খেতুর মত এমন পাত্র তিনি আর পাইবেন না। ছেলেটা মূর্খ, তিনি বুড়া হইয়াছেন, ঘরে ছুটা বিধবা মেয়ে, এমন অবস্থায় সংসারের একজন অভিভাবক দরকার। খেতুর এদিকে যেমন গুণ ওদিকে সে তাহাদের অভিভাবকও হইতে পারিবে। তিনি অনেক ভাবিয়া চিন্তিয়া কঙ্কাবতীর মাকে বলিলেন, “তুমি যদি খেতুর সঙ্গে কঙ্কাবতীর বিবাহ স্থির করতে পার তাতে আমার আপত্তি নেই। কিন্তু আমি খরচপত্র কিছু করতে পারব না।”

স্বামীর অনুমতি পাইয়া কঙ্কাবতীর মা খেতুর মার কাছে দোড়াইয়া গেলেন, আর তাঁহার কাছে সব কথা খুলিয়া বলিলেন।

খেতুর মা বলিলেন, “কঙ্কাবতী আমার বৌ হবে এ আমার চিরকালের সাধ। ভালই হল। রামহরিকে খবরটা দিই।”

পরদিনই কলিকাতায় চিঠি পাঠান হইল।

রামহরি খেতুকে চিঠি দিলেন। খেতু বলিল, “মাৰ যা ইচ্ছা তাই হবে। তবে তাড়াতাড়ি কিছু নাই। দুই তিন বৎসর যাক। ততদিনে আমারও লেখাপড়া শেষ হবে, কিছু রোজগারও করতে পারব। আপনি এই কথা জানান।?”

রামহরি সেই কথা লিখিলেন। তনু রায় রাজি হইলেন।

খেতুর সঙ্গে কঙ্কাবতীর বিবাহ হইবে একথা শুনিয়া সুকলেই খুশী হইল, আর কঙ্কাবতীর আনন্দের অবধি রহিল না।

## ଦିଶମ ପରିଚ୍ଛନ୍ଦ

### କଙ୍କାବତୀର ଦୁଃଖ

ଦେଖିତେ ଦେଖିତେ ତିନ ବଂସର କାଟିଆ ଗେଲ । ଖେତୁର ବୟସ ଏଥନ କୁଡ଼ି ବଂସର । ଯାହା କିଛୁ ପାଶ ଛିଲ ମେ ସବଞ୍ଜଳି ଦିଯାଛେ ; ଆରଓ ତୁ ଏକଟି ପରୀକ୍ଷା ଦିଯାଛେ । କଥା ହଇଯାଛେ ମେ ଭାଲ ଏକଟା ଚାକରୀ ପାଇବେ ।

ଏଥନ ଖେତୁର ବିବାହ ଦିତେ ହୟ । ରାମହରି ଖେତୁର ମାକେ ମେକଥା ଲିଖିଲେନ ।

ଏଦିକେ ଗ୍ରାମେ ଅନେକ ବ୍ୟାପାର ଘଟିଆ ଗିଯାଛେ । ଜମିଦାର ଜନାଦନ ଚୌଧୁରୀର ଶ୍ରୀ ମାରା ଗିଯାଛେ । ମେ ଆବାର ବିବାହ କରିବେ ଠିକ କରିଯାଛେ । ତାହାର ବୟସ ଏଥନ ଆଶିର କାହାକାହି । ଛେଲେପିଲେ, ନାତିନାତନିତେ ଘର ଭତି । ଏ ବୟମେ କେ ତାହାର ସଙ୍ଗେ ମେଯେର ବିବାହ ଦିବେ ? କିନ୍ତୁ ଜନାଦନ ଚୌଧୁରୀର ଅନେକ ଟାକା ଅନେକ ବିଷୟମ୍ପତ୍ତି । ତାହାର ଟାକାର ଲୋଭେ ତମ୍ଭ ରାଯ ଠିକ କରିଲେନ ତାହାରଇ ସଙ୍ଗେ କଙ୍କାବତୀର ବିବାହ ଦିବେନ ।

ପ୍ରଥମଟା ତାହାରେ ମନେ ଏକଟୁ ଇତ୍ତତ ଭାବ ହଇଯାଛିଲ । କିନ୍ତୁ ଯଥନ ଚୌଧୁରୀ ଲୋଭ ଦେଖାଇଲ ମେଯେକେ ଦଶ ହାଜାର ଟାକା ଦିବେ ଆର ଏକଟା ତାଲୁକ ଦିବେ, ଆର କଞ୍ଚାର ବାବାକେ ଦୁଇ ହାଜାର ଟାକା ଦିବେ, ତଥନ ତିନି ଆର ଲୋଭ ସାମଲାଇତେ ପାରିଲେନ ନା । ତିନି ଯେ ଆଗେ କଥା ଦିଯାଛେନ, କଥା ନା ରାଖା ଯେ ଅନ୍ତାଯ ମେମେ କଥା ଆର ତାର ମନେଇ ହଇଲ ନା । ତିନି ଚୌଧୁରୀର ସଙ୍ଗେ କଙ୍କାବତୀର ବିବାହେ ରାଜୀ ହିଲେନ ।

একথা যে শুনিল সে-ই ছি ছি করিতে লাগিল । তবু রায়ের স্ত্রী কাঁদিতে কাঁদিতে শয়্যা লইলেন । কিন্তু কাহারও চোখের জলে তবু রায় টলিবার পাত্র নন । পাড়ার লোকে তাহাকে বুবাইতে গেল, তিনি তাহাদের তাড়াইয়া দিলেন । এমন কি খেতুও আসিয়া তাহাকে বলিল, আমার সঙ্গে বিয়ে দিন না দিন, অন্ত ভাল পাত্রের সঙ্গে বিয়ে দিন । এসব কথায় তবু রায় বোকা দূরে থাক আরও রাগ করিলেন । খেতু জনার্দন চৌধুরীকে বলিতে গেল । জনার্দন বিবাহের জন্য পাগল । তিনি কেন খেতুর কথা শুনিবেন ? উল্টা তিনি খেতুর নামে মিথ্যা অপবাদ দিয়া তাহাকে একঘরে করিবার ব্যবস্থা করিলেন । খেতুর নামে অপবাদ সে কলিকাতায় থাকিতে বরফ থাইয়াছে । বরফ সাহেবদের কলে তৈয়ারী, সুতরাং তাহাদের ছোঁয়া ; তাহাদের ছোঁয়া থাইলে জাত যায়, অতএব খেতুর জাত গিয়াছে ; অতএব তাহাকে একঘরে করিতে হইবে ; তাহার সঙ্গে কোন সংশ্রব রাখা চলিবে না ।

চৌধুরীর এই ষড়যন্ত্রে অনেকেই যোগ দিল, দিলেন না শুধু নিরঞ্জন । তখন তাহার আর খেতুর উপর নানা অত্যাচার হইতে লাগিল । নিরঞ্জন শেষে গ্রাম ছাড়িয়া গেলেন । খেতু আর খেতুর মাও দেশ ছাড়িয়া যাওয়া স্থির করিলেন । ঠিক হইল আর সাত দিন পরে কঙ্কাবতীর বিবাহ হইবে ; সেইদিন তাহারা দেশ ছাড়িয়া যাইবেন ।

খেতুর মা বলিলেন, “দাসেদের মেয়ের কাছে শুনলাম কঙ্কাবতীকে আর চেনা যায় না, সে রূপ নেই, সে রং নেই,

মুখে সে হাসি নেই। আহা, তবুও বাছা মার দুঃখে কাতর !  
মা রাত্রিদিন কান্দছে। নিজের দুঃখ ভুলে সে মাকে বোঝাচ্ছে।”  
মায়েপোয়ে এইরকম কথা হয়।

পরদিন খেতুর মা বলিলেন, “আজ শুনলাম কঙ্কাবতীর  
বড় জ্বর হয়েছে, প্রলাপ বকচে ; মেয়েটা বুঝি বাঁচে না।”

এইরূপে দিন দিন কঙ্কাবতীর অসুখ বাড়িতেই  
লাগিল। জনার্দন চৌধুরী কুবিরাজ পাঠাইলেন ; কুবিরাজ  
কত চেষ্টা করিল। কিন্তু কিছুতেই কিছু হইল না, অসুখ  
কমিল না। এদিকে তাহার বিবাহের দিন উপস্থিত হইল।

সেদিন কঙ্কাবতীর গায়ের বড় জালা, তাহার বড় পিপাসা।  
কঙ্কাবতীর আর জ্ঞান নাই, জ্বরের ঘোরে সে অজ্ঞান হইয়া  
গিয়াছে। কঙ্কাবতী এখন যায় তখন যায় এমন তাহার  
অবস্থা।

# দ্বিতীয় ভাগ

প্রথম পরিচ্ছন্ন

নোকা

বড় পিপাসা, বড় গায়ের জ্বালা !

কঙ্কাবতী মনে ভাবিল, যাই, নদীর ঘাটে যাই, সেখানে  
বসিয়া পেট ভরিয়া জল খাই, আর গায়ে জল দিই।  
তাহা হইলে বুঝি জ্বালা মিটিবে।

নদীর ঘাটে বসিয়া কঙ্কাবতী জল মাখিতেছে, এমন সময়ে  
কে বলিল,—“কেও, কঙ্কাবতী ?” কঙ্কাবতী চারিদিকে চাহিয়া  
দেখিল, কাহাকেও দেখিতে পাইল না। কে তাহাকে ডাকিল  
তাহা ঠিক করিতে পারিল না। নদীর জলে দূরে কেবল একটা  
কাতলা মাছ ভাসিতেছে আর ডুবিতেছে তাহাই দেখিতে  
পাইল।

আবার কে জিজ্ঞাসা করিল, “কেও, কঙ্কাবতী ?” কঙ্কাবতী  
এবার উত্তর দিল, “হঁ গো আমি কঙ্কাবতী।”

আবার কে জিজ্ঞাসা করিল, “তোমার কি বড় পিপাসা, বড়  
গায়ের জ্বালা ?”

কঙ্কাবতী উত্তর দিল, “হঁ গো আমার বড় পিপাসা, বড়  
গায়ের জ্বালা !”

তখন কে বলিল, “তবে এক কাজ কর ; নদীর মাঝখানে চল। নদীর ভিতর খুব ঠাণ্ডা ঘর আছে ; সেখানে গেলে তোমার পিপাসা দূর হবে, শরীর জুড়িয়ে যাবে।”

কঙ্কাবতী জিজ্ঞাসা করিল, “নদীর মাঝখান যে অনেক দূর ! সেখানে আমি কেমন করে যাই ?”

কে যেন উত্তর দিল, “ওই যে জেলেদের নৌকা আছে, এ নৌকায় চড়ে চলে যাও।”

কঙ্কাবতী জেলেদের নৌকায় গিয়া বসিল। নৌকা নদীর মাঝখানে যাইতে লাগিল।

এদিকে বাড়ীতে খোঁজ খোঁজ পড়িয়া গিয়াছে। কঙ্কাবতী কোথায় গেল ? কে যেন বলিল সে নদীর ঘাটে গিয়াছে। তখন সকলে ছুটিয়া নদীর ঘাটে গেল। ঘাটে আসিয়া দেখে কঙ্কাবতী একখানি নৌকার উপর চড়িয়া নদীর মাঝখানে যাইতেছে।

কঙ্কাবতীর বড় বোন প্রথমে ডাকিল—

“কঙ্কাবতী বোন আমার, ঘরে ফিরে এস না,  
বড় দিদি হই আমি, ভাল কি আর বাস না ?  
তিনটি বোন আছি দিদি, বিধবা হৃষি তার।  
কঙ্কাবতী ছোট তুমি, বড় আদরের মার।”

নৌকা হইতে কঙ্কাবতী উত্তর দিল—

“গুনিয়াছি আছে নাকি জলের ভিতর,  
শান্তিময় সুখময় সুশীতল ঘর।

সেইখানে যাই দিদি, পূজি তোমার পা ।

এই কঙ্কাবতীর নৌকাখানি হথু যা ।”

এই কথা বলিতেই নৌকা আরও গভীর জলে ভাসিয়া  
গেল ।

তখন ভাই আসিয়া কঙ্কাবতীকে বলিল—

“কঙ্কাবতী ঘরে এস, কুলেতে দিও না কালি,  
রেগেছেন বাবা বড় দিবেন কতই গালি ।  
বালিকা অবুৰ তুমি, কি জান সংসার-কথা,  
ঘরে ফিরে এস, দিও না বাপের মনে ব্যথা ।”

কঙ্কাবতী উত্তর দিল—

“কি বলিছ দাদা তুমি বুঝিতে না পারি,  
জ্বলিছে আগুন দেহে নিভাইতে নারি ।  
যাও দাদা ঘরে যাও হও তুমি রাজা ।  
এই কঙ্কাবতীর নৌকাখানি হথু যা ।”

এই কথা বলিতেই নৌকা আরও দূর জলে ভাসিয়া  
গেল ।

তখন মা আসিয়া ডাকিলেন—

“কঙ্কাবতী লক্ষ্মী আমার, ঘরে ফিরে এস না ।

কান্দিতেছে মায়ের প্রাণ, বিলম্ব আর কোরো না ।

ভাত হইল কড়কড় ব্যঞ্জন হইল বাসি ।

কঙ্কাবতী মা আমার সাত দিন উপবাসী ।”

কঙ্কাবতী উত্তর দিল—

“বড়ই পিপাসা মাগো না পারি সহিতে ।  
তুমের আগুন সদা জলিছে দেহেতে ।  
এই আগুন নিভাইতে যাইতেছি মা ।  
কঙ্কাবতীর নৌকাখানি এই হথু যা ।”

এই বলিতে নৌকা আরও দূর জলে আসিয়া গেল ।   তখন  
বাপ আসিয়া ডাকিলেন—

“কঙ্কাবতী ঘরে এস, হইবে তোমার বিয়া ।  
কত যে হতেছে ঘটা দেখ তুমি ঘরে গিয়া ।  
গহনা পরিবে কত আর সাটিনের জামা ।  
কত যে পাইবে টাকা নাহিক তার সীমা ॥”

কঙ্কাবতী উত্তর দিল—

“টাকা কড়ি কাজ নাই বসন ভূষণ,  
আগুনে পুড়িছে পিতা শরীর এখন ।  
দারুণ যাতনা পিতা আর তো সহে না ।  
এই কঙ্কাবতীর নৌকাখানি ডুবে যা ।”

এই বলিতেই কঙ্কাবতীর নৌকাখানি মাঝনদীর জলে টুপ,  
করিয়া ডুবিয়া গেল ।

## ନୀତୀର ପରିଚେଦ

### ଜଲେ

ନୌକାର ସଙ୍ଗେ କଞ୍ଚାବତୀଓ ଡୁବିଯା ଗେଲ । ଡୁବିତେ ଡୁବିତେ କଞ୍ଚାବତୀ ଜଲେର ଭିତରେ ଅନେକ ଦୂରେ ଚଲିଯା ଗେଲ । ତଥନ ନଦୀର ଯତ ମାଛ ସବ ଏକତ୍ର ହଇଲ । ନଦୀର ଭିତର ମହା କୋଳାହଳ ପଡ଼ିଯା ଗେଲ ଯେ କଞ୍ଚାବତୀ ଆସିତେଛେ । ଝଟି ବଲେ, କଞ୍ଚାବତୀ ଆସିତେଛେ, ପୁଣି ବଲେ, କଞ୍ଚାବତୀ ଆସିତେଛେ । ଏମନ ସମୟେ ସେଥାନେ କଞ୍ଚାବତୀ ଆସିଯା ଉପଶିତ ହଇଲ । ସକଳେଇ ତାହାକେ ଆଦର କରିଯା ନିଲ । ସକଳେଇ ବଲିଲ, “ଏସ, ଏସ, କଞ୍ଚାବତୀ ଏସ ।”

ମାଛେଦେର ଛେଲେମେଯେରା ବଲିଲ, “ଆମରା କଞ୍ଚାବତୀର ସଙ୍ଗେ ଖେଳା କରବ ।”

ବୁଡ଼ୀ କାତଳାମାଛ ତାହାଦେର ଧମକ ଦିଯା ବଲିଲ, “କଞ୍ଚାବତୀର ଏ ଖେଳା କରିବାର ସମୟ ନୟ ବାହାର ବଡ଼ ଗାୟେର ଜ୍ବାଲା ଦେଖେ କଞ୍ଚାବତୀକେ ଆମି ସାଟ ହତେ ଦେକେ ଏନେଛି । ଏସ ମା ! ତୁମି ଆମାର କାହେ ଏସ । ଏକଟୁ ବିଶ୍ରାମ କର, ତାର ପର ତୋମାର ଏକଟା ବିଲି କରା ଯାବେ ।”

କଞ୍ଚାବତୀ ଗିଯା ଆଣ୍ଟେ ଆଣ୍ଟେ କାତଳାମାଛେର କାହେ ଗିଯା ବସିଲ ।

ଏଦିକେ କଞ୍ଚାବତୀ ବିଶ୍ରାମ କରିତେଛେ, ଓଦିକେ ଜଲେର ଯତ ଜୀବଜ୍ଞନ୍ତ ସକଳେ ମିଲିଯା ମହା ସମାରୋହେ ଏକଟା ସଭା କରିଲ । ତପସୀ ମାଛେର ଦାଡ଼ି ଆଛେ ଦେଖିଯା ସକଳେଇ ତାହାକେ ସଭାପତି କରିଲ । “କଞ୍ଚାବତୀକେ ଲାଇୟା କି କରା ଯାଯା”

সত্তায় এই কথা লইয়া বক্তৃতা ও তর্ক হইতে লাগিল। অনেক বক্তৃতার পর বুদ্ধিমান বাটামাছ প্রস্তাব করিল, “এস আমরা কঙ্কাবতীকে রানী করি।”

কথাটা সকলেরই ভাল লাগিল, সকলেই প্রস্তাবে রাজী হইল। চারিদিকে জয়ধ্বনি উঠিল।

মাছেদের আজ বড় আনন্দ। আজ হইতে কঙ্কাবতী তাহাদের রানী হইবে। সকলেই বলাবলি করিতে লাগিল কঙ্কাবতী রানী হলে আমাদের আর কোন ভাবনা থাকবে না। বঁড়শি দিয়ে কেউ আমাদের গাঁথলে কঙ্কাবতী সূতাটি ছিঁড়ে দেবে। জেলেরা জাল ফেললে ছুরি দিয়ে কঙ্কাবতী জালটি কেটে দেবে। কঙ্কাবতী রানী হলে আমাদের আর কোন ভয় থাকবে না।

মাছেরা কঙ্কাবতীকে গিয়া বলিল, “কঙ্কাবতী, তোমাকে আমাদের রানী হতে হবে।”

কঙ্কাবতী বলিল, “আমার মনে শুখ নেই। আমি এখন তোমাদের রানী হতে পারব না।”

বুড়ী কাতলানী বলিল, “রানী যে হবে তো রাজপোষাক কই? পোষাক না হলে কঙ্কাবতী রানী হবে না।”

মাছেরা বলিল, “তাই তো, ঠিক কথা।”

কঙ্কাবতী বলিল, “না গো, রাজপোষাকের জন্য নয়, আমার মনে বড় ব্যথা। রানী হতে আমার সাধ নেই।”

মাছেরা সেকথা শুনিল না। বড় গোলমাল করিতে লাগিল। অগত্যা কঙ্কাবতীকে বলিতে হইল, “ভাল, না হয়

আমি তোমাদের রানৌ হলাম। এখন আমাকে করতে  
হবে কি ?”

মাছেরা বলিল, “দরজীর বাড়ী যেতে হবে। গায়ের  
মাপ দিতে হবে, পোশাক পরতে হবে।”

কাঁকড়া জলেও চলে, ডাঙাতেও চলে। ঠিক হইল, সে  
কঙ্কাবতীকে নিয়া দরজীর কাছে যাইবে। কচ্ছপের পিঠে টাকা  
মোহর লইয়া যাওয়া হইবে। যত টাকা লাগে কঙ্কাবতীর  
জন্য ভাল কাপড়জামা করিতে হইবে। কাঁকড়া রাজী হইয়া  
ভাল কাপড় পরিয়া মাথা আঁচড়াইয়া ফিটফাট হইয়া তৈয়ারি  
হইল। কচ্ছপের পিঠে টাকা মোহর বোঝাই দেওয়া হইল।

তাহারা দরজীর বাড়ী চলিল।

### তৃতীয় পরিচ্ছন্ন

#### রাজবেশ

কঙ্কাবতী কি করে ? সকলের অনুরোধে তাহাদের সঙ্গে  
গেল। কাঁকড়া মহাশয় আগে, কঙ্কাবতী মাঝখানে আর পিছনে  
টাকার বস্তা পিঠে কচ্ছপ, তিনজনে এইভাবে চলিল। চলিতে  
চলিতে অনেক পাহাড়পর্বত বনজঙ্গল পার হইয়া শেষে তাহারা  
বুড়া দরজীর বাড়ী আসিয়া উপস্থিত হইল। বুড়া দরজী চশমা  
নাকে দিয়া কাঁচি হাতে করিয়া কাপড় কাটিতেছিল।

কঙ্কাবতীৰা কাছে আসিতেই সে বলিল, “এই যে  
কাঁকড়াভায়া, এস এস, ভাল আছ তো। তা কি মনে করে?”



বুড়া দৱজী

কাঁকড়া বলিলেন, “এই কঙ্কাবতীকে আমোৱা রানী করেছি  
এৰ জন্ম ভাল জামা চাই, তাই তোমাৰ কাছে এসেছি।”

‘দুরজী বলিল, “বটে, বটে, তা বেশ আমার কাছে অনেক-  
রকম ভাল জামা আছে। তোমাদের রানী কঙ্কাবতী যদি  
শিমুল তুলা হয় তো লাল খেরোর জামা আছে, সুন্দর  
সেলাই। এখন টিপে দেখ তো কঙ্কাবতী শিমুল তুলা কিনা ?”

ঁাড়া দিয়া কাঁকড়ামহাশয় কঙ্কাবতীর গা টিপিয়া  
টুপিয়া দেখিয়া বলিলেন, “কৈ, না ; সেরকম তো মনে  
হয় না।”

কঙ্কাবতী তাহাদের কথা শুনিয়া চটিয়া গেল। বলিল,  
“তোমরা কি আমাকে খেরোর খোল পরিয়ে বালিশ করবে  
নাকি ?”

দুরজী উত্তর দিল, “ইশ, মেয়ের যে আস্বা ভারি ! বালিশ  
হবে না তো কি তাকিয়া হবে ?”

দুরজীর বকুনিতে কঙ্কাবতীর বড় দৃঢ় হইল ; সে কাঁদিতে  
লাগিল।

কাঁকড়ামহাশয় বলিলেন, “তুমি ছেলেমানুষ, আমাদের  
কথায় কথা কও কেন ? তোমার যাতে ভাল হয় আমরা তাই  
করব। তুমি কেঁদো না চুপ করো।” এই বলিয়া কাঁকড়া-  
মহাশয় বড় ঁাড়া দিয়া কঙ্কাবতীর মুখ মুছাইয়া দিলেন।  
কঙ্কাবতীর মুখ ছড়িয়া গেল।

দুরজী বলিল, “তাই তো, এর গায়ের জামা তো আমার  
কাছে নেই। তা এক কাজ কর, খলিফা সাহেবের কাছে যাও ;  
তার ঘত কারিগর এ পৃথিবীতে নেই। তার কাছে এমন জামা  
আছে যা পরলে র্দারও নাক হয়।”

এই কথায় কাঁকড়ার রাগ হইল। সে বলিল, “তুমি কি ঠাট্টা করছ নাকি? না হয় তোমার নাক বড়, আমার নাক ছোট। তাই বলে ঠাট্টা করবে?”

দরজী তাড়াতাড়ি বলিল, “না, না, তোমায় আমি ঠাট্টা করতে পারি? তোমার নাকটা মন্দ কি? না হয় দেখাই যায় না।”

দরজীর কথায় কাঁকড়ামহাশঘের রাগ পড়িল।

এদিকে কঙ্কাবতী ভাবিতে লাগিল, আচ্ছা পাগলের পাণ্ডায় পড়েছি। কিন্তু সে মুখ ফুটিয়া কিছু বলিল না।

দরজীর কাছে বিদায় লইয়া তখন তাহারা খলিফার বাড়ী রওনা হইল। অনেক দূর গিয়া তিনজনে শেষে খলিফা সাহেবের বাড়ীতে উপস্থিত হইল। খলিফা তখন অন্দরমহলে ছিল, কাঁকড়ার ডাকে বাহিরে আসিয়া আদর করিয়া অভ্যর্থনা করিয়া বসাইল। কঙ্কাবতীকে দেখিয়া খলিফা বলিল, “দিব্য মেয়েটি তো! কাঁকড়াবাবু, এ কন্তাটি কি আপনার?”

কাঁকড়া কঙ্কাবতীর পরিচয় দিলেন আর বলিলেন এর জন্য রাজপোষাক করিয়া দিতে হইবে। খলিফা বলিল, “পোষাক আমি করে দিতে পারি; কিন্তু টাকা দিতে পারবেন? এর জন্য দুই তোড়া টাকা চাই।”

কাঁকড়া তখনই কচ্ছপের পিঠ হইতে দুই তোড়া মোহর তুলিয়া আনিয়া খলিফার হাতে দিল; মোহর দেখিয়া খলিফার আর আহ্লাদ ধরে না। সে বলিল, “আপনারা বশুন আমি টাকাটা ঘরে রেখে আসি, এসে এখনই জামা তৈয়ারি করে

দেব।” এই বলিয়া খলিফা তোড়া ছুটি লইয়া অন্দরে গেল। মোহর দেখিয়া খলিফানী তো অবাক। সে এক গাল হাসিয়া খলিফাকে বলিল, “এবার কিন্তু আমায় ডায়মনকাটা তাবিজ গড়িয়ে দিতে হবে।”

তারপর খলিফা কঙ্কাবতীকে বাড়ীর ভিতরে আনিল। সেখানে খলিফানী তাহার গায়ের মাপ লইল। খলিফা তখনই অনেক লোক লাগাইয়া সেই মাপে জামা করিয়া ফেলিল। খলিফানী কঙ্কাবতীকে আদর করিয়া সেই জামা পরাইয়া দিল। রাজপোষাক পরিয়া কঙ্কাবতীর রূপ ফাটিয়া পড়িতে লাগিল।

পোষাক পরা হইলে কাঁকড়া ও কচ্ছপ কঙ্কাবতীকে লইয়া বাড়ীর দিকে রওনা হইলেন এবং স্থলে জলে অনেক পথ চলিয়া শেষে নদীর ভিতরে আসিয়া উপস্থিত হইলেন। সেখানে কঙ্কাবতীর পোষাক দেখিয়া সকলেই ‘ধন্ত’, ‘ধন্ত’, করিতে লাগিল।

মাছেদের এখন ভাবনা হইল, “এহেন সুন্দরী রানী, তিনি থাকেন কোথায়?” অনেক ভাবিয়া চিন্তিয়া শেষে ঠিক হইল কঙ্কাবতী মতিমহলে থাকিবেন। তখন তাহারা কঙ্কাবতীকে একটি ঝিলুক দেখাইয়া দিল। ঝিলুকের ভিতরে মুক্তা হয় বলিয়া ঝিলুকের নাম মতিমহল। কঙ্কাবতী সেই ঝিলুকের মধ্যে ঢুকিল এবং ঝিলুকের ভিতরে থাকিয়া কঙ্কাবতী মাছেদের রানীগিরি করিতে লাগিল।

## চতুর্থ পরিচ্ছন্ন

### গয়লানী মাসী

এইভাবে কিছুদিন যায়। একদিন এক গয়লানী নদীতে  
স্নান করিতে আসিয়াছে। তাহার পায়ে সেই বিশুকটি  
ঠেকিল। ডুব দিয়া সে বিশুকটি তুলিয়া দেখে চমৎকার  
বিশুক ! সে সেটি বাড়ী লইয়া গিয়া চালের বাতায় গুঁজিয়া  
রাখিয়া দিল।

বাইরের দরজায় তালা দিয়া গয়লানী লোকের বাড়ীতে  
দুধ দিতে যায়। সেই সময়ে কঙ্কাবতী বিশুকের ভিতর হইতে  
বাহির হয়। প্রথমদিন সে যেমন বিশুকের ভিতর হইতে  
বাহির হইয়া মাটিতে পা দিল অমনি তাহার রাজবেশ কোথায়  
মিলাইয়া গেল। তাহার জায়গায় তাহার পুরানো বেশ ফিরিয়া  
আসিল। সেই অবধি সেই বেশই আছে। প্রতিদিন বিশুকের  
ভিতর হইতে বাহির হইয়া কঙ্কাবতী গয়লানীর ঘরদোর  
পরিষ্কার করিয়া রাখে। কাজকর্ম করিয়া রাখে। গয়লানী  
ফিরিয়া আসিয়া দেখে আর অবাক হয় ; সে বুঝিতেই পারে না  
কে এমন করে। এমন রোজ হইতে লাগিল।

গয়লানী ঠিক করিল, ধরিতে হবে। এই ভাবিয়া একদিন<sup>১</sup>  
সকাল সকাল চুপি চুপি বাড়ী ফিরিল। পা টিপিয়া আস্তে  
আস্তে দরজা খুলিয়া দেখে একটি পরমা সুন্দরী মেয়ে তাহার  
বাসন মাজিতেছে।

কঙ্কাবতী টের পাটিয়া বিনুকের ভিতর লুকাইতে গেল, কিন্তু গয়লানী তাহার আগেই তাহাকে ধরিয়া ফেলিল। ধরিয় দেখে না কঙ্কাবতী।

অবাক হইয়া গয়লানী বলিল, “কঙ্কাবতী, তুমি এখানে? তুমি এখানে কেমন করে এলে? তুমি না নদীর জলে ডুবে গিয়েছিলে?”

কঙ্কাবতী উত্তর দিল, “হঁ ‘মাসি! আমি কঙ্কাবতী। নদীর জলে ডুবে গিয়েছিলাম। নদীতে আমি ঐ বিনুকটির ভিতরে থাকতাম; তুমি সেটা কুড়িয়ে আনলে, সেইসঙ্গে আমিও এসেছি।”

গয়লানী এখন বুঝিল, অশ্চর্য হইবার আর কিছু থাকিল না।

কঙ্কাবতী বলিল, “মাসি, আমি যে এখানে আছি সেকথা তুমি কাউকে বোলো না। শুধু হাতে বাড়ী ফিরলে বাবা বকবেন। জলের ভিতর আমি অনেক টাকা দেখেছি। তারা দরজীকে দিল, আমাকে দিল না। আমি কত চাইলাম, কত কাঁদলাম। আবার চেষ্টা করে দেখি যদি কিছু দেয়। তা হলে বাবা বকবেন না, দাদাও গাল দেবে না।”

গয়লানী দৃঢ় করিয়া বলিল, “আহা, এমন মেয়েও কি কারো হয়?”

ঠিক হইল কঙ্কাবতী কিছুদিন গয়লানীর কাছে থাকিবে।

গয়লানী রোজ দৃধ দিয়া ফিরিয়া আসিয়া পাড়ার গল্ল

বলে ; একদিন সে বলিল, “আহা, খেতুর মার বড় অস্ত্র, জ্বরবিকার।” শুনিয়া কঙ্কাবতী বড় উত্তলি হইল, বলিল, “তিনি আমার মায়ের মত, অনেক করেছেন, আমি তাঁর সেবা করতে পারলাম না । মনে বড় দুঃখ রয়ে গেল।”

পরদিন আসিয়া গয়লানী খবর দিল, “আহা বড় দুঃখের কথা ! খেতুর মা মারা গেছেন ; তাঁকে ঘাটে নিয়ে যাবার লোক জুটছে না । তোমার ‘বাবা’ লোককে মানা করে বেড়াচ্ছেন, খেতুর জাত নাই, যেন কেউ না যায়।”

খবরটা শুনিয়া কঙ্কাবতী একেবারে শুইয়া পড়িল, কেবলই কাঁদিতে লাগিল । গয়লানী তাহাকে কত বুবাইল কিছুতেই মানিল না ।

সন্ধ্যাবেলায় গয়লানী গিয়া খবর লইয়া আসিল খেতু একা এই অঙ্ককার রাত্রে অতিকষ্টে মার দেহ শুশানে লইয়া যাইতেছে, কেহ তাহাকে সাহায্য করিতে আসে নাই । শুনিয়া কঙ্কাবতী পাগলের মত শুশানের দিকে ছুটিয়া গেল । গয়লানী তাহাকে কতবার ডাকিল, শুনিল না । তখন গয়লানী কাঁদিতে কাঁদিতে বাড়ী ফিরিল ।

এদিকে কঙ্কাবতী যেখানে খেতু তার মার দেহ লইয়া একা বসিয়া কাঁদিতেছে সেইখানে গিয়া উপস্থিত হইল । খেতু তাঁহাকে দেখিয়া অবাক হইল, বলিল, “কঙ্কাবতী, এত দুঃখ আমার, এমন সময়ে কিনা তুমি ও আমায় দুঃখ দেবার জন্য ভূত হয়ে এসেছ !”

কাঁদ কাঁদ স্বরে কঙ্কাবতী উত্তর দিল, “আমি ভূত হই নি, মরি নি। সে অনেক কথা, পরে বলব। আমি গয়লানী মাসীর বাড়ী ছিলাম; তার কাছে খবর শুনে ছুটে এসেছি। চল, এখন দুজনে ধরে মাকে ঘাটে নিয়ে যাই, তুমি একদিক ধর আমি আর একদিক ধরি।”

তখন তাহারা দুজনে ধরিয়া মার দেহ শুশানে লইয়া গেল, সেখানে চিতা সাজাইয়া, মুখাপ্ণি করিয়া চিতায় আগুন দিল। চিতা ধৃধৃ করিয়া জলিতে লাগিল।

শুশানের কাজ শেষ হইলে দুইজনে স্নান করিল। তখন খেতু কঙ্কাবতীকে বলিল, “চল, তোমাকে তোমার বাবার কাছে রেখে আসি।” কঙ্কাবতী প্রথমটা আপত্তি করিল, শেষে খেতুর কথায় রাজী হইল। দুইজনে কথা বলিতে বলিতে গ্রামের দিকে চলিল। তখন সবে ভোর হইয়া আসিয়াছে, এমন সময়ে দুজনে তহু রায়ের দরজায় আসিয়া পৌঁছিল। তখন খেতু কঙ্কাবতীর কাছে বিদায় লইল, বলিল, “কঙ্কাবতী, খুব সাবধানে থেকো, কেঁদো না। বেঁচে থাকলে আমি এক বৎসর পরে নিশ্চয় আসব। তখন আমাদের সকল দুঃখ ঘূঁঘুব। তোমার মাকে সব কথা বোলো, আর কাউকে কিছু বলার দরকার নেই।” এই বলিয়া খেতু চলিয়া গেল। কঙ্কাবতী একদৃষ্টে পথের দিকে চাহিয়া রহিল।

## পঞ্চম পরিচ্ছন্ন

### বাপের বাড়ী

খেতু চলিয়া গেলে কঙ্কাবতী অনেকক্ষণ দরজার পাশে  
ঁড়াইয়া কাঁদিল ; অনেকক্ষণ পর্যন্ত তাহার দরজা ঠেলিয়া  
ভিতরে ঢুকিবার সাহস হইল না। শেষে সাহসে বুক বাঁধিয়া  
সে দরজা ঠেলিল। তনু রায় তখন ঘূম হইতে উঠিয়া বাড়ীর  
ভিতরে বসিয়া তামাক খাইতেছিলেন। কে দরজা ঠেলিতেছে  
দেখিবার জন্য দরজা খুলিয়া দিলেন, দেখিলেন কঙ্কাবতী।  
দেখিয়াই বলিলেন, “একি কঙ্কাবতী ! তুমি মর নি ? এতদিন  
কোথায় ছিলে ? যেখানে ছিলে সেখানেও, এ বাড়ীতে  
আর তোমার স্থান হবে না।”

কঙ্কাবতী শুনিয়া আর ভিতরে গেল না। সেইখানেই  
ঁড়াইয়া কাঁদিতে লাগিল। তনু রায়ের তর্জনগর্জন শুনিয়া  
তাহার ছেলেও সেখানে আসিয়া উপস্থিত হইল। সেও আসিয়া  
বোনকে “দূর”, “দূর” করিয়া গালাগালি করিতে লাগিল।

গোলমাল শুনিয়া আর ছই মেয়েকে লইয়া কঙ্কাবতীর মা  
আসিয়া উপস্থিত হইলেন। মেয়েকে দেখিয়া তিনি “এতদিন  
কোথায় মাকে ভুলে ছিলি মা” ? বলিয়া জড়াইয়া ধরিয়া  
অনেকক্ষণ ধরিয়া কাঁদিলেন। তাহার পর স্বামীকে সম্মোধন  
করিয়া বলিলেন, “তোমরা কঙ্কাবতীকে দূর করে দেবে ? কেন,  
বাছা আমার কি করেছে ? তা বেশ তোমরা থাকো, আমরা  
যাই।” এই বলিয়া তিনি একহাতে কঙ্কাবতী ও আর এক-

হাতে আৱ এক মেয়েৰ হাত ধৰিয়া বাড়ীৰ বাহিৰে যাইবাৰ উপক্ৰম কৱিলেন। তখন তনু রায়েৰ ভয় হইল; তিনি বলিলেন, “গিন্নী, পাগল হলে নাকি? এখন এ মেয়েকে ঘৰে নিয়ে কি কৱিব? এৱ কি আৱ বিয়ে হবে? তাই বলছি ওৱ যেখানে খুশী চলে যাক, আমৱাও বাঁচি।”

তনু রায়েৰ স্তৰী বলিলেন, “এৱ বিয়ে হবে কি না হবে সে কথা তোমায় ভাৰতে হবে না। আসলে তোমাৰ ভাৰনা তো যে জনাদন চৌধুৰীৰ টাকা হাতছাড়া হয়ে গেল। তা তোমাৰ টাকা তোমাৰ থাক। তোমৱা সুখে থাকো। আমৱা যেখানে ছচোখ যায় চলে যাই। না হয় ভিক্ষা কৱেই থাব, তোমাৰ গলগ্ৰহ হয়ে থাকব না।”

স্তৰীৰ উপ্ৰমূৰ্তি দেখিয়া তনু রায় ভাৰিলেন মহাগঙ্গোল। তখন উপায় না দেখিয়া তিনি বলিলেন, “আচ্ছা, তবে না হয় কঙ্কাবতী থাক।”

তখন সকলে বাড়ীৰ ভিতৰে আসিল।

কঙ্কাবতী বাপেৰ বাড়ীতেই থাকিতে লাগিল। মাকে একে একে সে সব কথা খুলিয়া বলিল। কিন্তু সে কথা সে বা তাহাৰ মা কেহই আৱ কাহাকেও বলিলেন না।

এইভাৱে দিন কাটিয়া যায়।

এদিকে তনু রায় প্ৰায়ই কঙ্কাবতীকে বকেন, নানাৱক্রম গালমন্দ দেন। তবে স্তৰীৰ সমুখে তাহাকে কিছু বলিতে তাহাৰ সাহস হয় না। কিন্তু তিনি প্ৰায়ই স্তৰীকে খোঁটা দিয়া

বলেন, “কৈ তুমি তো বলেছিলে কঙ্কাবতীর বিয়ের জন্ম আমায় ভাবতে হবে না। কৈ বর কৈ? কে এ মেয়েকে বিয়ে করবে?” তাঁহার স্ত্রী বলেন, “সে তুমি ভেবো না। মেয়ের বিয়ে আমি নিজে দেব।”

### ষষ্ঠি পরিচ্ছন্ন

#### বাঘ

দেখিতে দেখিতে এক বৎসর কাটিয়া গেল। খেতুর দেখা নাই, কোনও খবরও নাই। কঙ্কাবতী আর কঙ্কাবতীর মার বড় ভাবনা হইল। এদিকে যতই দিন যায় ততই তনু রায়ের বকুনি বাড়ে, কঙ্কাবতীর মা অপ্রতিভ হইয়া চুপ করিয়া থাকেন, কোন কথা বলিতে পারেন না।

একদিন সন্ধ্যার পর তনু রায় রাগ করিয়া বলিলেন, “এত বড় মেয়ে হল, এদিকে বর জুটিল না। এখন একে নিয়ে করি কি? তুমি তো এতদিন আমায় থামিয়ে রেখেছ পাত্র এনে দেবে বলে। কোথায় পাত্র, আর কোথায় কি? তোমার জন্মেই আমার এই বিপদ। এখন দেখছি সেকালের রাজাৱা যা করতেন আমাকেও বুঝি তাই করতে হয়। যাকে সামনে পাব তার সঙ্গেই মেয়ের বিয়ে দেব। রাগে আমার শরীর জলে যাচ্ছে। আমি সত্যই বলছি, যদি এই মুহূর্তে একটা বনের বাঘ এসে কঙ্কাবতীকে বিয়ে করতে চায়, তো আমি তার সঙ্গেই

কঙ্কাবতীর বিয়ে দিই। যদি বাঘ এসে বলে ‘রায়মশায়, দরজা খুলে দিন’, তো আমি নিশ্চয়ই দরজা খুলে তাকে ডেকে আনি।”

এই কথা বলিতে বলিতে বাহিরে ভৌষণ গর্জনের শব্দ হইল। গর্জন করিয়া কে বলিল, “রায়মশায়, তবে কি দরজা খুলে দেবেন ?”

শব্দ শুনিয়া তয়ে তনু রায়ের মুখ শুকাইয়া গেল। দরজার কাছে কে এমন গর্জন করিতেছে দেখিবার জন্য তিনি দরজা খুলিলেন। খুলিয়া দেখেন প্রকাণ্ড একটা বাঘ বাহিরে দাঢ়াইয়া আছে।

বাঘ বলিল, “রায়মশায়, এইমাত্র আপনি সত্য করেছেন যে একটা বাঘ এসে যদি কঙ্কাবতীকে বিয়ে করতে চায় তো তার সঙ্গে আপনি তার বিয়ে দেবেন। তাই আমি এসেছি। আপনি এখনই যদি কঙ্কাবতীর সঙ্গে আমার বিয়ে না দেন তো আমি আপনাকে খেয়ে ফেলব।”

বাঘের কথায় তনু রায় ভয় পাইলেন বটে, কিন্তু নিজের স্বভাবটি ভুলিতে পারিলেন না। তিনি বলিলেন, “কথা দিয়েছি তখন বিয়ে আমি দেব ; কিন্তু ব্রাহ্মণের জামাই হতে হলে আমার মান রাখতে হবে।”

বাঘ জিজ্ঞাসা করিল, “কত হলে আপনার মান রক্ষা হবে ? কত টাকা হলে আপনি মেয়ে বেচবেন বলুন।”

তনু রায়ের তখন একটু সাহস হইয়াছে। তিনি বলিংলেন “জনাদন চৌধুরী যা দেবে বলেছিল তার চেয়ে কিছু বেশী না হলে কেমন করে হয়।”

বাঘ বলিল, “বেশ আমি তার চেয়ে অনেক বেশী দেব।  
যা আপনি স্বপ্নেও ভাবতে পারেন নি আমি তাই দেব।  
বাড়ীর ভিতরে চলুন।”

তনু রায় আর কি করেন, বাঘকে লইয়া ভিতরে ঢুকিলেন।  
সেখানে কঙ্কাবতীরা সকলে বসিয়াছিল। বাঘের ডাকে  
তাহাদের মূর্চ্ছার মত হইয়াছিল, এখন বাঘকে ভিতরে ঢুকিতে  
দেখিয়া তাহারা ভয়ে যেন কাঠ হৃষিয়া গেল।

বাঘ সকলের সামনে একটা প্রকাণ্ড তোড়া ফেলিয়া দিয়া  
তনু রায়কে বলিল, “খুলে দেখুন।”

তনু রায় তোড়া খুলিয়া দেখেন তাহার ভিতরে কেবল  
মোহর ! হাতে করিয়া চশমা নাকে দিয়া আলোর কাছে গিয়া  
ভাল করিয়া দেখিলেন, মেকি নয়, সত্যিকারের মোহর।  
তাহার মনে আর আনন্দ ধরে না। তিনি প্রদীপের কাছে  
গিয়া মোহর গণিতে বসিলেন।

এই অবসরে বাঘ কঙ্কাবতীর মার কাছে গিয়া আস্তে  
আস্তে বলিল, “কোনও ভয় নেই।”

তাহার গলার স্বর শুনিয়া কঙ্কাবতী ও তাহার মা এক  
মুহূর্তে বুঝিতে পারিলেন এ কার কঠস্বর। তখন তাহাদের  
মনেও সাহস হইল। তাহারা ছজনে মনে মনে ঠাকুরকে  
ডাকিতে লাগিলেন।

বাঘ এই কথা বলিয়া তনু রায়ের কাছে গিয়া থাবা  
পাতিয়া বসিয়া রহিল। তনু রায় গণিয়া দেখিলেন তিনি  
হাজার মোহর আছে।

বাঘ বলিল, “তবে এখন ?”

তনু রায় বলিলেন, “আমি যখন কথা দিয়েছি তখন আমার কথার নড়চড় হবে না। এখন জনার্দন চৌধুরী দূরে থাক, তার বাবা এলেও এর অন্তর্থা হবে না। আমি এই রাত্রেই তোমার সঙ্গে কঙ্কাবতীর বিয়ে দেব।” তিনি মেয়েদের ডাকিয়া বলিলেন, “তোমরা সব জোগাড় কর।”

সেই রাত্রেই বাঘের সঙ্গে কঙ্কাবতীর বিবাহ হইয়া গেল। তোর হইবার আগে বাঘ বলিল, “রাত থাকতেই আমাকে যেতে হবে আপনারা মেয়েকে সাজিয়ে গুজিয়ে দিন।”

পাড়ার মেয়েরা আসিয়া কঙ্কাবতীর চুল বাঁধিয়া দিল। কঙ্কাবতীর মা ভাল ভাল কাপড়গুলি বাছিয়া পুঁটলি সাজাইতে বসিলেন। তাহা দেখিয়া তনু রায় বলিলেন, “তোমার মত বোকা আৱ দেখি নি ; বাঘের কি জামা কাপড়ের, না গহনাপত্রের ভাবনা ! সে দোকানে গিয়ে ‘হালুম’ করে পড়বে, আৱ দোকানী প্রাণের দায়ে সব ফেলে পালাবে। তখন সে যত খুশী ভাল ভাল জামা কাপড় গহনাপত্র নিয়ে আসবে। তাহলে ভাল ভাল জিনিস ঘর থেকে দেওয়া কেন ? তাই বলি তোমার মত বোকা ভূ-ভারতে নেই।”

স্বামীর বকুনিতে তনু রায়ের স্ত্রী ছুএকখানি ছেঁড়া নেকড়া পুঁটলি বাঁধিয়া দিলেন। সেটি মেয়ের হাতে দিয়া কাঁদিতে কাঁদিতে ঠাকুরদের ডাকিতে ডাকিতে কল্পাকে বিদায় করিলেন। কঙ্কাবতী স্বামীর বাড়ী চলিল।

## সপ্তম পরিচ্ছন্ন

### বনে

পুঁটলি হাতে করিয়া কঙ্কাবতী বাঘের কাছে আসিয়া দাঢ়াইল। বাঘ বলিল, “কঙ্কাবতী, তুমি ছেলেমানুষ, পথ চলতে পারবে না। তুমি আমার পিঠে চড়, আমি তোমাকে নিয়ে যাই।”

কঙ্কাবতী গাছ-কোমর বাঁধিয়া বাঘের পিঠে চড়িয়া বসলে, বাঘ বনের দিকে ছুটিয়া চলিল। গহন বনের ভিতর আসিয়া বাঘ জিজ্ঞাসা করিল, “কঙ্কাবতী, তোমার কি ভয় করছে?” কঙ্কাবতী উত্তর দিল “তোমার সঙ্গে আবার ভয় কি?” বাঘ বলিল, “কেন আমি বাঘ হয়েছি সে কথা তোমাকে পরে বলব। তুমি কিছু ভেবো না আমি শীগ্ৰি গিরই এ দশা হতে মুক্তি পাব। এখন তুমি আর আমাকে কোন কথা জিজ্ঞাসা করো না।”

কথা বলিতে বলিতে দুজনে খুব বড় একটা পাহাড়ের কাছে আসিয়া উপস্থিত হইল। বাঘ বলিল, “কঙ্কাবতী, এইবার তুমি একটু চোখ বুজে থাক, যতক্ষণ না বলি চোখ খুলো না।”

খানিকক্ষণ পরে কঙ্কাবতী খল খল করিয়া এক বিকট হাসি শুনিতে পাইল। সে জিজ্ঞাসা করিল “কে অমন করে হাসল?” বাঘ বলিল, “সেসব কথা তোমায় পরে বলব; এখন তোমার শুনে কাজ নেই। এখন চেয়ে দেখ। আর কোন ভয়ও নেই।”

ବାର୍ଷିକ ପିଲାମଣି



কঙ্কাবতী চোখ খুলিয়া দেখে তাহারা শ্বেত পাথরের তৈয়ারি প্রকাণ্ড একটা বাড়ৌতে উপস্থিত হইয়াছে। তাহার ঘরগুলি সুন্দর সাজান ; সেখানে কত ধনরত্ন। চারিদিকে রাশি রাশি মণি মুক্তা হীরা সুপাকারে পড়িয়া আছে।

বাড়ৌটি পাহাড়ের ভিতরে। বাহির হইতে দেখা যায় না। পাহাড়ের গায়ে একটা ছেট সুড়ঙ্গ আছে, সেইটা দিয়াই এখানে আসিতে হয়, আর কোন পথ নাই। কিন্তু বাড়ৌর ভিতরে চমৎকার আলো-হাওয়া আসে। সেখানে এক খাবার জিনিস ছাড়া আর কোন জিনিসেরই অভাব নাই।

বাঘ সেখানে কঙ্কাবতীকে পিঠ হইতে নামাইয়া দিয়া বলিল, “তুমি এখানে বসে থাক, আমি আসছি। কিন্তু সাবধান, আমি নিজে না দিলে এখানকার কোন জিনিসে হাত দিও না।” এই বলিয়া বাঘ সেখান হইতে চলিয়া গেল।

খানিক পরে খেতু আসিয়া কঙ্কাবতীর সামনে দাঁড়াইল। খেতু জিজ্ঞাসা করিল, “কঙ্কাবতী, আমায় চিনতে পার ?” কঙ্কাবতী, ঘাড় হেঁট করিয়া রহিল। খেতু জিজ্ঞাসা করিল, “কঙ্কাবতী, তোমার কি ভয় করছে ?” কঙ্কাবতী বলিল, “না আমার ভয় করছে না।”

খেতু জিজ্ঞাসা করিল, “আচ্ছা, যখন আমাদের বিয়ে হল তখন তুমি আমায় চিনতে পেরেছিলে ?” কঙ্কাবতী উত্তর দিল, “তা আর পারি নি ?”

খেতু বলিল, “শোন, এখানে আমরা দুজন ছাড়া আর কেউ নেই। তবে এখানে মস্ত বড় একটা বিপদ আছে, সেটা কি

তুমি আমায় এখন জিজ্ঞাসা কোরো না। তবে তোমাকে  
এইটুকুই শুধু বলে রাখি যদি তুমি এখানকার কোন জিনিসে  
হাত না দাও, তাহলে কোন বিপদ হবে না। এক বৎসর  
আমাদের এখানে থাকতে হবে। তারপর এই ধনসম্পত্তি সব  
আমাদের হবে। তখন আমরা দেশে ফিরে যাব।”

খেতু আর কঙ্কালবতী সেখানে স্বুখে বাস করিতে লাগিল।  
কঙ্কালবতী সেখানকার কোন জিনিসে হাত দেয় না, খেতু হাতে  
তুলিয়া যাহা দেয় তাহাই নেয়। খেতু প্রতিদিন বনে গিয়া  
ফলমূল আনে তাহাই খাইয়া তাহাদের দিন কাটে। বাহিরে  
যাইবার সময় খেতু বাঘ হইয়া যায়, ফিরিয়া আসিয়া আবার  
মাছুষ হয়। এইভাবে দশ মাস কাটিয়া গেল।

একদিন কঙ্কালবতী বলিল, “অনেকদিন মাকে দেখি নি, বড়  
মন কেমন করছে।” খেতু বলিল “আর তো তু মাস আছে, তু  
মাস পরেই তো আমরা দেশে ফিরে যাব। না হয় এক কাজ  
কর, তোমাকে আমি তোমার মায়ের কাছে বেথে আসি।  
সেখানে এ দুমাস তুমি থাক গে।” কঙ্কালবতী বলিল, “না, তা  
আমি থাকতে চাইনা। তবে মার জন্য মন কেমন করছে।  
মাকে দেখেই আবার ফিরে আসব।”

তার পরদিন খেতু বাঘ হইয়া কঙ্কালবতীকে পিঠে করিয়া  
শশুরবাড়ী যাত্রা করিল। সুড়ঙ্গের মুখ হইতে বাহির হইবার  
সময় খেতু আবার কঙ্কালবতীকে চোখ বুজিতে বলিল, ‘আর  
কঙ্কালবতী আবার সেই বিকট হাসি শুনিতে পাইল। ভয়ে  
তাহার শরীর শিহরিয়া উঠিল।

বন পার হইয়া যখন তাহারা দুজনে গ্রামে আসিল তখন  
রাত্রি এক প্রহর হইয়াছে। তাহাদের পাইয়া বাড়ীতে সকলেই  
খুব খুশী হইল। বাঘ অনেক টাকা মোহর দিয়া তহু রায়কে  
নমস্কার করিল। মা কঙ্কাবতীকে আদর যত্ন করিয়া  
থাওয়াইলেন। এখন তহু রায়ের ভাবনা হইল জামাইকে কি  
খাইতে দেন। অনেক বুদ্ধি করিয়া বলিলেন, “বাবাজী, এত  
পথ এসেছ, ক্ষিধে নিশ্চয়ই পেয়েছে। এখন তোমায় কি খেতে  
দিই? আমরা তো ভাত ডাল খাই, তাতে তোমার চলবে না।  
এক কাজ কর; আমার একটা বুড়ী গাই আছে, দুধ দেয় না  
কেবল বসে বসে থায়। তাকেই খেয়ে ফেল।”

বাঘ বলিল, “আমার ক্ষিধে নেই। আমি আপনার  
গাইকে খেতে পারব না।”

তহু রায় তখন বলিলেন, “বেশ তো, তাহলে আর একটা  
কাজ কর, নিরঞ্জন কবিরভূকে খাও; সে ভারি ছষ্টু, কেবল  
আমার শক্রতা করে।”

বাঘ বলিল, “আমি খেয়ে এসেছি, ক্ষিধে নেই; আমি  
কবিরভূকে খাব না।”

তহু রায় নাছোড়বান্দা; বলিলেন, “তাহলে অন্তত এই  
গাঁয়ের গয়লানী বুড়ীকে খাও। সে নাকি আমায় গাল দেয়,  
আর বলে বাঘকে মেয়ে বেচেছি। দুধ খেয়ে খেয়ে তার  
রক্ত খুব মিষ্টি হয়েছে; তাকে খাও, তোমার খুব ভাল  
লাগবে।”

বাঘ কিছুতেই রাজী হইল না। তনু রায় বলিলেন, “যাক, এবার না হয় খেলে না, আসছে বার যথন আসবে তখন কিন্তু এদের খেতে হবে।”

কঙ্কাবতী সমস্ত রাত্রি তার মা আর বোনেদের সঙ্গে গল্প করিল। বাঘ যে কে মাকে সে কথা বলিল, আর দুমাস পরে তারা যে অনেক টাকাকড়ি লইয়া দেশে ফিরিবে সে কথাও বলিল।

তনু রায় একবার চুপি চুপি কঙ্কাবতীকে ডাকিয়া বলিলেন, “আমার মনে হয় জামাই সত্যিকারের বাঘ নন। বনের শিকড় মাথায় দিয়ে মানুষ যে বাঘ হয় ইনি বোধ হয় তাই। তুমি দেখো দেখি এর মাথায় কোন শিকড় আছে কি না। পেলে পুড়িয়ে দিলে ভাল হবে, আর বাঘ হয়ে থাকতে হবে না।”

কঙ্কাবতী মাকে গিয়া এইসব কথা বলিতেই তাহার মা বলিলেন “খবরদার, ওসব কোরো না। খেতু যা বলবে তাই মেনে চোলো। কিছুতেই তার কথা অমান্ত কোরো না।”

কথায় কথায় ভোর হইয়া আসিল। তখন বাঘ কঙ্কাবতীকে নিয়া আবার বনে ফিরিয়া গেল আর সেখানে আগেকার মত বাস করিতে লাগিল।

## অষ্টম পরিচ্ছন্ন

### শিকড়

আরও একমাস কাটিয়া গেল। খেতু বলিল, “কঙ্কাবতী, আর একমাস, একমাস পরেই আমাদের দৃঃখ ঘুচবে।” তাহার পর হইতে তাহারা দুজনে দিন গণিতে লাগিল। এক একটি দিন যায়, আর খেতু বলে, “আর বাইশ দিন রইল, আর একুশ দিন রইল।” এমনি করিয়া আরও কুড়ি দিন কাটিয়া গেল।

কঙ্কাবতী দেখিল স্বামীর দেশে ফিরিবার আগ্রহ; তিনি কেবলই দিন গুণিতেছেন। তাহার নিজের প্রাণও ব্যাকুল হইয়াছিল। তাহার মনে হইল স্বামীকে কি তাড়াতাড়ি উদ্ধার করা যায় না? বাবা যা বলিয়াছেন তা করিলে তো এই দশ দিনও আর অপেক্ষা করিয়া থাকিতে হয় না। কঙ্কাবতীর বড় লোভ হইল। কিন্তু তখনই তার মায়ের কথা মনে পড়িল। মা মানা করিয়াছেন। কঙ্কাবতী কি করিবে ঠিক করিতে পারিল না।

সেদিন সারাদিন ধরিয়া কঙ্কাবতীর মনে সু আর কু'র লড়াই চলিল। কু বলে, “কেন, বাবা যা বলেছেন করো না, একদিনে সব দৃঃখ ঘুচে যাবে।” সু বলে “মার কথা মনে নেই? খবরদার, ওসব কাজ করো না।”

কঙ্কাবতীর মনে হইল “করি না করি, যাই, দেখি না সত্যই শিকড় আছে কিনা।” খেতু তখন অঘোরে ঘুমাইতেছিল। কঙ্কাবতী চুপি চুপি প্রদীপ লইয়া গিয়া তাহার মাথার কাছে

## ছেঁটদের কঙ্কাবতী

গিয়া দেখিল সত্ত্বিই খেতুর মাথার চুলের ভিতর একটা শিকড় রহিয়াছে। কঙ্কাবতী শিকড়টি খুলিতে চেষ্টা করিল, পারিল না। তখন সে একটা কাঁচি লইয়া আসিয়া খানিকটা চুলের সঙ্গে শিকড়টি কাটিয়া লইয়া প্রদৌপে পোড়াইয়া ফেলিল।

শিকড় পুড়িতেই ঘরের ভিতরে একটা ভীষণ দুর্গন্ধ বাহির হইল। ভয়ে কঙ্কাবতীর সর্ব শরীর শিহরিয়া উঠিল। দুর্গন্ধ নাকে যাইতেই খেতু চমকিয়া জাগিয়া উঠিল, মাথায় হাত দিয়া দেখিল শিকড় নাই। কঙ্কাবতী তাহার সামনে দাঁড়াইয়া ভয়ে যেন অজ্ঞান হইয়া যাইতেছে। খেতু তাহাকে ধরিয়া পাশে বসাইল।

কঙ্কাবতী বলিল, “আমি যে কি অন্যায় করেছি তা বুবাতে পারছি। তুমি আমায় ক্ষমা করো।” এই কথা বলিয়া সে কাঁদিতে লাগিল।

খেতু বলিল, “আমারই ভুল হয়েছে; তোমাকে যদি প্রথমেই সকল কথা খুলে বলতাম, তাহলে তুমি এ কাজ করতে না। আজ এমন হতো না। শিকড়টা কি প্রদৌপে পুড়িয়ে ফেলেছো?”

কঙ্কাবতী ঘাড় নাড়িল।

খেতু বলিল, “তা যা হবার হয়েছে। এখন আমার যা হয় হবে, কিন্তু তোমার যেন বিপদ না ঘটে। তুমি এখান হতে পালাও। আমি এখানকার জিনিস নিয়েছি আমি পালাতে পারব না। কিন্তু তুমি পারবে, তুমি এখানকার কিছুতে হাত

দাও নি। দশ দিন পরে তুমি ফিরে এসো; এসে এই বাড়ীতে যা কিছু ধনসম্পত্তি টাকাকড়ি আছে নিয়ে যেও। নিয়ে গিয়ে সেটাকে চার ভাগ করো; একভাগ রামহরি দাদাকে দিও, একভাগ তোমার বাবাকে, আর একভাগ নিরঞ্জন কাকাকে। বাকি তুমি নিও। সেই টাকায় যে কটা দিন বাঁচো দানধ্যান ধর্মকর্ম করে কাটিয়ে দিও। স্বর্গে আবার তোমায় আমায় দেখা হবে।”

কঙ্কাবতী কাঁদিতে লাগিল। কাঁদিতে কাঁদিতে বলিল, ‘তোমার কথায় আমার বুক ফেটে যাচ্ছে। আমি কি অন্তায় করলাম! আমার যা হয় হবে, এখন তোমার কি হবে তাই আমায় বল।’

খেতু বলিল, “তবে শোন। এই টাকাকড়ি ধনগ্রন্থ সব নাকেশ্বরী নামে এক ভূতিনীর। সে সুড়ঙ্গের মুখে বসে দিন-রাত্রি পাহারা দিচ্ছে। তুমি যে খল খল হাসি শুনেছিলে সে সেই নাকেশ্বরীর হাসি। যে এখানকার ধন নেবে নাকেশ্বরী তাকে খেয়ে ফেলবে। আমি এই ধন নিয়েছি। কিন্তু আমাকে সে পারে না, কারণ এতদিন আমার মাথায় সেই শিকড় ছিল বলে। তা না হলে সে কোন্ দিন আমায় খেয়ে ফেলত। শিকড় নেই একথা নাকেশ্বরী বোধ হয় এখনও জানতে পারে নি। পেলে আমার আর রক্ষা নেই। একে তো এখান থেকে পালাবার উপায় নেই। তা ছাড়া পালিয়েও উপায় নেই, কারণ যেখানেই যাই নাকেন সে আমায় মেরে ফেলবে।”

এই কথা শুনিতেই কঙ্কাবতী খেতুর পা-হুটি ধরিয়া শুষ্ঠিয় পড়িয়া কাঁদিতে লাগিল ।

খেতু বলিল, “কেঁদো না, ওঠ । আস্তে আস্তে সুড়ঙ্গের বাহিরে যাও ; আমি যা বললাম তাই করো । মায়ের কাছে গেলে মনটা তবুও কিছু শুন্ধ হবে ।”

কঙ্কাবতী তখন উঠিয়া বসিল । বসিয়া বলিল, “না, তোমাবে ছেড়ে আমি কোথাও যাবেই না । আমি এইখানেই থাকব নাকেশ্বরীর হাত হতে তোমাকে উদ্ধার করতে পারি তো ভাল না পারলে তোমারও যা হবে, আমারও তাই হবে । আচি মরতে ভয় করি না । তোমায় নাকেশ্বরীর হাতে ফেলে নিজের প্রাণ নিয়ে পালাব এমন মেয়ে আমি নই ।”

খেতু দেখিল কঙ্কাবতীকে বোঝান বৃথা, সে কোন কথাই শুনিবে না ।

সে বলিল, “বেশ, যখন তুমি যাবেই না, তখন তোমাকে সকল কথা খুলে বলি, শোন । কথা শেষ করতে পারব কিন্তু জানি না, হয়তো শিকড় পোড়ার গন্ধ পেয়ে নাকেশ্বরী তার আগেই এসে পড়বে । তবুও বলি ।”

“মাকে পুড়িয়ে আমি কলকাতায় না গিয়ে কাশী গেলাম : সৈথানে মায়ের শ্রান্ত শেষ করলাম । তারপর কাজকর্ম খুঁজতে লাগলাম । একটা ভাল কাজও জুটে গেল, খাটুনি খুব বেশী, কিন্তু মাইনেও অনেক । আমার তখন একমাত্র লক্ষ্য, টাকা জমাবো, জমিয়ে তোমার বাবাকে এনে দেব । কোন খরচ না করে আমি টাকা জমাতে লাগলাম । এইরকম

রে অতি কষ্টে এক বৎসর কাটালাম। এক বৎসরে আমার হাজাৰ টাকা জমল। তখন আমি সেই টাকা নিয়ে শে রওনা হলাম। ভাবলাম, এইবার টাকা পেলে তোমার বাব আৱ কোন আপত্তি থাকবে না। কিন্তু এমনই মার ছৰ্তাগ্য যে গাড়ীতে সে টাকা চুৱি গেল। একটা লোক মাকে বিষমাখা খাবাৰ দিয়ে ঘূম পাড়িয়ে আমার টাকাকড়ি, পড়চোপড়, সব নিয়ে পালিয়ে গেল। ঘূম ভেঙে উঠে দেখি গ নেই, কিছুই নেই। এত কষ্ট কৱে এক বৎসর ধৰে যা মিয়েছিলাম সে সব গেছে। তখন আমার মনেৱ অবস্থা যতেহ পাৰো। আমি বুঝলাম, আমার সকল আশা আজ মুল হল, তোমার সঙ্গে আৱ আমার বিয়ে হল না।

এই অবস্থায় আমি রানীগঞ্জে নামলাম। সেখান থেকে আমাদেৱ গাঁয়ে আসবাৰ ছটো পথ আছে জান তো, একটা জপথ, সেটা একটু ঘোৱা, আৱ একটা বনপথ, সে পথে নৰ ভিতৰ দিয়ে আসতে হয়, সেটা সোজা। সে পথে ডাঢ়াড়ি আসা যায়, কিন্তু সে পথে বাঘ ভালুক আছে, তাই মাকে বড় ঘাতাঘাত কৱে না। আমি কিন্তু সেই পথেই নাম। চার দিন সেই পথে চলবাৰ পৰ আমাদেৱ গাঁয়েৱ শে যে বড় পাহাড় আছে তাৰই নৈচে এসে পৌছলাম। থান থেকে আমাদেৱ গাঁ এক দিনেৱ পথ। চারধাৱে গহন।।। সেই বনেৱ ভিতৰ দিয়ে চলতে চলতে সন্ধ্যা হয়ে আল। আমি পথ হাৱালাম। শেষে আৱ চলতে পাৱি না, ধৈ তেষ্টায় ছাতি ফেটে যায়। আৱ পা চলে না। এমন

সময়ে সামনে একটা ভাঙা মন্দির দেখতে পেলাম। অর্কষে সেখানে গেলাম; গিয়ে দেখি সেখানে দেবদেবী নেই লোকজন নেই। আমি তখন সেখানেই শুয়ে পড়লাম।”

কঙ্কাবতী বলিল, “তারপর ?”

### নবরং পরিচ্ছন্ন ভূত কোম্পানী

খেতু বলিতে লাগিল, “হৃপুর রাত্রে সবে চোখে ঘুম আমা  
এসেছে, এমন সময় মন্দিরের সিঁড়িতে ঠক ঠক করে শব্দ হচ্ছে  
লাগল। চেয়ে দেখি একটা মড়ার মাথা লাফিয়ে লাফিয়ে  
সিঁড়ি বেয়ে উপরে উঠছে। তবুও ব্যাপার  
দেখে আমারও একটু যে ভয় হল না এমন নয়। আমি উ  
বসলাম। মাথাটা আমার সামনে ঝুলতে লাগল; তার মু  
জোড়া হঁ। দাঁতের পাটি বের করে ভূতটা আমায় জিজ্ঞা  
করল, “তুমি নাকি ভূত মানো না ?” আমার ভারি রাগ হচ্ছে  
আমি বললাম, “নিজের জ্বালায় মরচি ইনি এসে জিজ্ঞা  
করছেন আমি ভূত মানি কিনা। যান—যান আমায় অ  
জ্বালাতন করবেন না।”

আমার কথায় মুণ্ডোর আরও রাগ হল। সে বল  
“ইংরেজী পড়ে তুমি নাকি ভূত মানো না ?” আমি বলল  
“না মানলে বুঝি আপনাদের রাগ হয় ?” মুণ্ডোর বলি  
“রাগ হবে না তো কি শরীর জুড়িয়ে যাবে ? লোকে কে

বলবে যে ভূত নেই? কেন বাপু, আমরা তোমাদের কি করেছি যে আমাদের একেবারে উড়িয়ে দেবে?"


এত দুঃখেও আমার হাসি পেল। আমি বললাম, "তা ঠিক, এটা ওদের অন্যায়।"

আমার কথায় ভূতটা একটু ঠাণ্ডা হল। সে বলল, "তুমি ছোকরা দেখছি ভাল। তাহলে শোনো; লোকে যাতে ভূত বিশ্বাস করে, ভূতকে ভক্তি করে সেইজন্তে আমরা একটা কোম্পানী খুলেছি তার নাম দিয়েছি 'স্কল স্কেলিটন এণ্ড কোং।' ইংরেজী নাম রেখেছি কেন জানো? তাহলে লোকে খাতির করে বেশী; তাবো যদি 'খুলি কঙ্কাল এবং কোম্পানী' নাম রাখতাম তাহলে কি লোকে খাতির করত।"

এমন সময়ে একটা কঙ্কাল তার হাড় ঝম্ঝম্ঝ করতে করতে সেখানে এসে হাজির হল। তার মাথা নেই; শুধু দেহটির হাড়গুলি আছে। আমি বুঝলাম ইনিই স্কল স্কেলিটন এণ্ড কোং এর স্কেলিটন।

তখন স্কল আমাকে জিজ্ঞাসা করল, "কেমন এখন ভূতে বিশ্বাস হল তো?" আমি বললাম, "ভূতের উপর বিশ্বাস আমার আগে হতেই আছে। আপনাদের সেজন্তে ভাবতে হবে না। আপনারা এখন যান, ঘরের লোক ভাববে। আমাকেও একটু ঘুমিয়ে নিতে হবে; কাল সকালে অনেক-খানি পথ চলতে হবে।"

স্কল তখন স্কেলিটনকে বলল—“দেখলে ভায়া, কোম্পানী খোলবার উপকার!"



স্বল স্কেলিটন এণ্ড কোম্পানী

স্কেলিটন বোধ হয় আমাৰ ভূতেৰ উপৰ ভক্তি দেখে খুশী হয়েছিল। বলল, “ইনি যদি ভূতভক্ত হন তাহলে এৰ ভক্তিৰ জন্ম একটা পুৱনৰ্কার তো দিতে হয়। পুৱনৰ্কার পেলে এৰ ভক্তিও বাঢ়বে, লোকে এৰ কাছ থেকে শুনে আমাদেৱ ভক্তি কৱবে।” আমি তাড়াতাড়ি বলে উঠলাম, “না, না, আমাৰ টাকাকড়ি চাই না; এমনট আমাৰ ভক্তি ঠিক থাকবে।”

আমাৰ কথায় স্কল আৱও খুশী হয়ে উঠল; “তা হয় না; তোমাকে আমাদেৱ জমানো টাকা নিতে হবে। বেঁচে থাকতে আমৰা সে টাকাৰ সন্ধাবহাৰ কৱি নি। এখন তোমাৰ হাতে তাৰ সন্ধাবহাৰ হলে আমাদেৱ উপকাৰ হবে; সে ধন তোমাকে নিতে হবে।”

আমি অনেক বললাম কিন্তু স্কল বা স্কেলিটন কেউই শুনল না। অগত্যা আমায় রাজি হতে হল। আমি তাদেৱ সঙ্গে চললাম। অনেক পথ চলে আমৰা এই পাহাড়েৰ কাছে এলাম। এখানে পাহাড়েৰ গায়ে বন পৰিষ্কাৰ কৱে তিনজনে মিলে সুড়ঙ্গেৰ পথটি খুললাম। সুড়ঙ্গেৰ দৱজায় নাকেশ্বৰীকে দেখলাম। সে আমাদেৱ দেখে খল খল কৱে হেসে উঠল কিন্তু যেমন স্কল তাৰ দিকে চাইল অমনি সে চুপ কৱে গেল। তখন সুড়ঙ্গেৰ ভিতৰ দিয়ে আমৰা এখানে এলাম। এই টাকাকড়ি ধনৱত্ত দেখে আমি তো অবাক। স্কল বলল, “এই ধনসম্পত্তিৰ মালিক আমৰা হুজন। হাজাৰ বছৰ আগে আমৰা ছিলাম এখনকাৰ রাজা। বেঁচে

থাকতে কেবল টাকাট জমিয়েছিলাম, ধর্মকর্ম কিছুই করি নি। মরে গেলে পাছে এই ধন অন্তে নেয় তাই ধনের উপর যক দিয়েছিলাম। যক রেখেছিলাম একটা ভূতিনীকে; তার নাম নাকেশ্বরী। তাকে বলেছিলাম হাজার বছর



নাকেশ্বরী অতি সুন্দরী ভূতিনী

তোমাকে এই ধন পাহারা দিতে হবে; এর মধ্যে যদি কেউ এর এক কণাও নেয় তাহলে তুমি তাকে মেরে ফেলবে। হাজার বছর হয়ে গেলে তোমার যেখানে খুশী যেও; তখন যার অদৃষ্টে থাকে সে এই ধন পাবে। যক রাখার পর যুক্তে

মারা পড়ি। শক্র তরয়ালে ধর আর মুণ্ড আলাদা হয়ে যায়। বেঁচে থাকতে ছিলাম এক, মরে ভূত হয়ে হলাম ছই; মুণ্ডটি হলাম আমি ক্ষল আর ধড়টি হলেন আমার স্কেলিটন ভায়া। আমরা দুজনেই এই ধনসম্পত্তির মালিক। আমরা এখন তোমাকে দিলাম। সেই হাজার বছরের ১৯৯ বছর হয়ে গেছে, আর এক বছর বাকি। এক বছর হয়ে গেলে নাকেশ্বরী এ ধন ছেড়ে চলে যাবে। নাকেশ্বরী অতি সুন্দরী ভূতিনী। গত পৌষমাসে নাকেশ্বরীর সঙ্গে ঘ্যাঘ্যে। নামে এক



ঘ্যাঘ্যে।

ভূতের বিয়ে হয়েছে। নাকেশ্বরী এক বছর পরে সেই ঘ্যাঘ্যের কাছে যাবে। তখন তুমি এ ধন নিলে কোন আর বিপদ থাকবে না। কিন্তু খবরদার, এই এক বছর তুমি এর

এক কণাও ছুঁয়ো না, ছুঁলে নাকেশ্বরী তোমাকে খেয়ে  
ফেলবে।”

আমি বললাম, “তা না হয় হল; কিন্তু এই এক বছর  
আমি বাঁচি কি করে? এর মধ্যে যে আমার কিছু চাই, নইলে  
কেমন করে চলবে?”

আমার কথা শুনে তারা দুজনে কি পরামর্শ করল। করে  
বলল, “চল আমাদের সঙ্গে।” তিনজনে আবার বনে ফিরে  
এলাম। সেখানে ভূত দুজন একটা শিকড় এনে আটা দিয়ে  
আমার মাথার চুলে এঁটে বেঁধে দিল।

আবার আমরা পাহাড়ের ভিতরে বাড়ীতে ফিরে এলাম।  
সেখানে ভূত দুজন আমায় বলল, “বাড়ীর ভিতরে যতক্ষণ  
শিকড় তোমার মাথায় থাকবে ততক্ষণ নাকেশ্বরী তোমার কিছু  
করতে পারবে না। বাড়ীর বাইরে কিন্তু শিকড় তোমায়  
বাঁচাতে পারবে না। তবে শিকড়ের আর একটা গুণ আছে,  
এটা মাথায় থাকলে তোমার যা খুশী সেই জন্তুর আকার  
ধারণ করতে পারবে। বাঘ হল নাকেশ্বরীর ইষ্টদেবতা; তাই  
যখন তুমি বাড়ীর বাইরে যাবে বাঘ হয়ে যেও, তাহলে  
নাকেশ্বরী তোমার কিছু করতে পারবে না। এরপর তুমি  
এখান থেকে দরকার মত টাকাকড়ি ধনরত্ন নিতে পারবে।”

এই বলে স্কল আর ক্ষেলিটন আমায় সেখানে রেখে চলে  
গেল। তারপরের সব কথা, কঙ্কাবতী, তুমি জানো। সেকথাঁ  
আর তোমায় বলবার দরকার নেই।”

## ଦଶମ ପରିଚ୍ଛନ୍ଦ

### ନାକେଶ୍ଵରୀ

ଖେତୁର କଥା ଶେଷ ହଇତେ ନା ହଇତେ ଭୌଷଣ ଏକଟା ଚାଁକାରେ ବାଡ଼ୀ କାଂପିଯା ଉଠିଲ—ଘରେର ଚାରିଦିକ ଯେନ ଅନ୍ଧକାର ହେଇଯାଗେଲ । ଖେତୁ ବଲିଲ, “ଏ ନାକେଶ୍ଵରୀ ଆସଛେ ।”

କଞ୍ଚାବତୀ ତାଡ଼ାତାଡ଼ି ଉଠିଯା ଗିଯା ଘରେର ଦରଜା ବନ୍ଧ କରିଯା ଦରଜାଯ ଠେଶ ଦିଯା ଦାଡ଼ାଇଯା ରହିଲ, ନାକେଶ୍ଵରୀଙ୍କେ ମେ ଭିତରେ ଆସିତେ ଦିବେ ନା ।

ହଠାତେ ଅନ୍ଧକାର ଯେନ କାଟିଯା ଗେଲ । କଞ୍ଚାବତୀ ଚାହିୟା ଦେଖେ ଖେତୁ ଅଞ୍ଜାନ ହେଇଯା ଚକ୍ର ବୁଁଜିଯା ବିଛାନାୟ ପଡ଼ିଯା ଆଛେ ଆର ତାହାର ପାଶେ ନାକେଶ୍ଵରୀ ଦାଡ଼ାଇଯା ଆଛେ । କଞ୍ଚାବତୀ ଗିଯା ନାକେଶ୍ଵରୀର ପାଯେ ପଡ଼ିଲ ; ବଲିଲ, “ଓଗୋ ତୁମି ଆମାର ସ୍ଵାମୀଙ୍କେ ମେରୋ ନା । ଆମି ବଡ଼ ଦୁଃଖିନ୍ଦୀ । ତୁମି ଆମାର ସ୍ଵାମୀଙ୍କେ ନା ମେରେ ଆମାୟ ମେରେ ଫେଲ । ଆମି ତୋମାର ଏ ଧନରଙ୍ଗ କିଛୁଇ ଚାଇ ନା, ଶୁଦ୍ଧ ଆମାର ସ୍ଵାମୀଙ୍କେ ଫିରିଯେ ଦାଓ ।”

କଞ୍ଚାବତୀ ଏହିରକମ କରିଯା କତ କାଂଦିଲ କିନ୍ତୁ ତାହାତେ ନାକେଶ୍ଵରୀର ମନେ ଏକଟୁଓ ଦୟା ହଇଲ ନା । ମେ ଶୁଦ୍ଧ “ଦୂର ! ଦୂର !” ବଲିଯା ତାହାକେ ତାଡ଼ାଇଯା ଦିତେ ଲାଗିଲ ।

ତଥନ ରାଗେ ଦୁଃଖେ କଞ୍ଚାବତୀ ନାକେଶ୍ଵରୀଙ୍କେ ବଲିଲ, “ଆମାର ସ୍ଵାମୀଙ୍କେ ଦେବେ ନା ? ଆମାକେ ଓ ଥାବେ ନା ? ତା ନାକେଶ୍ଵରୀଙ୍କ ହେଉ ଆର ଯେଇ ହେଉ, ଆଜ ତୋମାର ଏକଦିନ, କି ଆମାର ଏକଦିନ ।” ଏହି ବଲିଯା ମେ ନାକେଶ୍ଵରୀଙ୍କେ ଧରିତେ ଗେଲ ।

নাকেশ্বরী তখন খুব জোরে একটা ফুঁ দিল, সেই ফুঁয়ে কঙ্কাবতী ছিটকাইয়া দরজার কাছে গিয়া পড়িল।

কঙ্কাবতী পাগলের মত আবার ছুটিয়া তাহাকে ধরিতে গেল। এবার নাকেশ্বরী এমন জোরে ফুঁ দিল যে কঙ্কাবতী একেবারে বাড়ীর বাহিরে পাহাড়ের বাহিরে বনের মাঝখানে গিয়া পড়িল।

বনের মাঝে কঙ্কাবতী একেবারে নির্জীব হইয়া পড়িল। তার শরীর ক্ষতবিক্ষত হইয়া গিয়াছিল; রক্ত পড়িতেছিল। কঙ্কাবতীর এখন আর উঠিবার শক্তি নাই। সে সেইখানেই শুইয়া শুইয়া কাঁদিতে লাগিল; সে যে স্বামীর পায়ের কাছে মরিতে পারিল না এইটাই তাহার সকলের চেয়ে বড় দুঃখ।

কাঁদিতে কাঁদিতে কঙ্কাবতীর মনে হইল, “তাই তো, সংসারে অনেক গুণী লোক আছে যারা ভূতপ্রেতের হাত হতে মানুষকে রক্ষা করতে পারে; আমার স্বামীকেও তারা বাঁচাতে পারবে না কেন? আমি তারই জন্য চেষ্টা করি। চুপ করে পড়ে থাকলে চলবে না, চেষ্টা করে দেখতে হবে।” এই বলিয়া কঙ্কাবতী উঠিয়া লোকালয়ের দিকে চলিল। কিন্তু পথ চেনা নাই, কোন্দিকে যাইবে? এদিকে দেরী করা চলে না। দেরী হইলে হয়তো সব পও হইয়া যাইবে।

## একান্শ পরিচ্ছন্ন

### ব্যাঙ্গসাহেব

বনজঙ্গল খানাড়োবা পার হইয়া পাগলের মত কঙ্কাবতী চলিল। কত পথ গেল কিন্তু লোকালয় দেখিতে পাইল না। রাত্রি প্রভাত হইল, সূর্য উঠিল, দিন বাঢ়িতে লাগিল তবু জনমানবের সঙ্গে তাহার সাক্ষাৎ হইল না।

“কি করি, কোন্ দিকে যাই, কাকে জিজ্ঞাসা করি”, কঙ্কাবতী এইরকম ভাবিতেছে এমন সময়ে সে সামনে একটি ব্যাঙ দেখিতে পাইল। ব্যাঙের অপূর্ব মৃতি ! মাথায় হাট, গায়ে কোট, কোমরে পেঁচুলুন। এদিকে পায়ে জুতা নাই। ব্যাঙসাহেব দুই পকেটে দুই হাত রাখিয়া সদর্পে চলিতেছেন।

এই অপূর্ব মৃতি দেখিয়া ঘোর দুঃখেও কঙ্কাবতীর মুখে হাসি দেখা দিল। সে ভাবিল, “একেই পথ জিজ্ঞাসা করি।”

কঙ্কাবতী ব্যাঙকে জিজ্ঞাসা করিল, “ব্যাঙমশায়, গাঁ কোন্ দিকে ? কোন্ পথে গেলে গাঁয়ে পৌছব ?”

ব্যাঙ উত্তর দিল, “হিট মিট ফ্যাট।”

কঙ্কাবতী বলিল, “আপনি কি বলছেন বুবাতে পারলাম না।”

ব্যাঙ বলিল, “হিশ ফিশ ড্যাম।”

কঙ্কাবতী বলিল, “আপনি বুবি ইংরেজী বলছেন। আমি তো ইংরেজী পড়ি নি; আপনি যদি দয়া করে বাংলায় বলেন তো বুবি।”



বাঙ্মাহেব

ব্যাঙ চারিদিক চাহিয়া দেখিল কেহ কোথাও নাই।  
বাংলায় কথা বলিলে অন্ত কেহ জানিতে পারিবে না বা  
তাহাকে মন্দ বলিতে পারিবে না। তখন বাংলায় কথা  
বলিবার তাহার সাহস হইল। সে বলিল, “কোথাকার বোকা  
মেয়ে ! দেখছ না আমি সাহেব, তা নয় কেবল ‘ব্যাঙমশায়’,  
‘ব্যাঙমশায়’ বলে ডাকছে ? কেন সাহেব বললে কি হয় ?”

কঙ্কাবতী দেখে মহাবিপদ। সে তাড়াতাড়ি বলিল, “ব্যাঙ-  
সাহেব, আমার ভুল হয়েছে—আমায় মাপ করুন। এখন  
কোন্ দিকে গাঁয়ে যাব বলে দিন।”

এই কথা শুনিয়া ব্যাঙ আরও জলিয়া উঠিল, বলিল,  
“আ মোলো যা, মেয়েটার রকম দেখ। মানা করলেও গ্রাহ  
নেই। কেবল বলবে ব্যাঙ, ব্যাঙ, ব্যাঙ। কেন আমার নাম  
ধরে ডাকলে কি হয় ? আমার নাম মিষ্টার গমিশ।”

কঙ্কাবতী বলিল, “মিষ্টার গমিশ, আমার অপরাধ  
হয়েছে ; আমায় মাপ করুন, এখন আপনি আমায় দয়া করে  
গ্রামের পথ দেখিয়ে দিন।”

মিষ্টার গমিশ বলিয়া ডাকাতে ব্যাঙ প্রসন্ন হইল।  
বলিল, “দেখ লঙ্কাবতী, তোমার নাম লঙ্কাবতী বললে না ?  
তা দেখ লঙ্কাবতী, হাতীর সঙ্গে আমার বড় বগড়া সে আমায়  
কিনা ডিঙিয়ে যায়। তাই আমি তাকে বললাম,  
• ‘উট্কপালী চিরণদাতী বড় যে ডিঙুলি মোরে।’  
—তাই শুনে হতভাগা হাতী কিনা বলে,

‘থাক থাক থাক থ্যাবড়ানাকী ধর্মে রেখেছে তোরে।’

তার কি আস্পর্ধা বল তো ? আমায় কিনা বলে থ্যাবড়া-নাকু ! আমার এমন নাক ! কি বল লঙ্কাবতী ?”

কঙ্কাবতী বলিল, “আমার নাম কঙ্কাবতী, লঙ্কাবতী নয়। না, না, কে বলে আপনার নাক থ্যাবড়া। কেমন সুন্দর আপনার নাক। তা আমার গাঁয়ে যাবার পথ বলে দিন।”

ব্যাঙ বলিল, “হাতীর কাছে অপমান হবার পর আমি ঠিক করেছি যে সাহেব হব। সাহেব না হলে লোকে মান্ত করে না। সেইজন্তে এই সাহেবের পোষাক পরেছি। আমায় কেমন মানিয়েছে বলো তো। ঠিক সাহেবের মত দেখাচ্ছে না ? এখন থেকে সকলে আমায় সেলাম করবে, ভয় করবে। কেমন না ?”

কঙ্কাবতী বলিল, “নিশ্চয়। কিন্তু এবার আমার পথটা বলে দিন।”

কানে হাত দিয়া ব্যাঙ বলিল, “কি বললে ?”

কঙ্কাবতী বলিল, “আমি জিজ্ঞাসা করলাম, কোন পথে গ্রামে যাব, গ্রাম এখান থেকে কতদূর ? সেখানে কতক্ষণে গিয়ে পৌছব ?”

ব্যাঙ বলিল, “দাঢ়াও, বলচি ; আগে আমার একটা হিসেব করে দাও তো। আমি মহাবিপদে পরেছি। আমার একটা আধুলি ছিল, একজনকে আমি সেটা ধার দিয়েছি। তার সঙ্গে আমার কথা হয়েছে সে রোজ আমায় আগের দিনের অর্ধেক ফেরৎ দেবে। প্রথম দিন দেবে চার আনা, দ্বিতীয় দিন দেবে ছু আনা, তৃতীয় দিন এক আনা তার পর দিন ছু পয়সা

তার পর দিন—দাঢ়াও এক পয়সায় হয় পাঁচ গগ্না মানে কুড়ি  
কড়া ; তাহলে তার পর দিন দেবে দশ কড়া তারপর দিন পাঁচ  
কড়া তারপর দিন আড়াই কড়া—”

বলিতে বলিতেই ব্যাঙ গলা ছাড়িয়া কাঁদিতে আরম্ভ করিল  
“ওগো মাগো, তাহলে এ যে আর কখনও শোধ হবে না গো !  
আমার আধুলিটা কখনও পুরো হবে না গো ! আমি কোথায়  
যাবো গো ! আমি যে জুয়াচোরের পাল্লায় পড়লাম গো !  
ওগো আমার ঐ আধুলিটা ছাড়া আর কিছু নেই গো !”

খানিক পরে ব্যাঙ একটু থামিয়া বলিল, “ওগো আমি  
তোমার সঙ্গে ছদ্ম গল্লগাছা করব ভেবেছিলাম গো ! সে আর  
হোলো না গো ! আমার যে সব গেল গো ! তুমি ঐদিক দিয়ে  
যাও গো ! তাহলে গাঁয়ে পৌছতে পারবে গো ! কিন্তু সে যে  
অনেক দূর গো ! ওগো তুমি সেখানে আজ পৌছতে পারবে  
না গো ! ওগো তোমরা যে আমার মত লাফিয়ে লাফিয়ে  
চলতে পারো না গো ! তোমরা যে গুটি গুটি চলো গো !  
আমার যে তাই দেখে হাসি পায় গো ! ওগো, আমার কি হবে  
গো ! আমার যে ওই আধুলিটা ছাড়া আর কিছু নেই গো !  
ওগো মাগো !”

এই বলিয়া ব্যাঙ ফুঁপাইয়া ফুঁপাইয়া কাঁদিতে লাগিল।

## ବ୍ୟାଙ୍ଗ ପରିଚୟ

### ପଚାଜଳ

ବ୍ୟାଙ୍ଗ ଯେ ପଥ ଦେଖାଇଯା ଦିଲ କଞ୍ଚାବତୀ ମେହି ପଥ ଧରିଯା ଚଲିତେ ଲାଗିଲ । ଚଲିତେ ଚଲିତେ ସନ୍ଧ୍ୟା ହଇଯା ଗେଲ । କଞ୍ଚାବତୀ ଆର ଚଲିତେ ପାରେ ନା । ତଥନ ମେ ବନେର ମାଝଥାନେ ଏକଟା ପାଥରେ ବସିଯା କାନ୍ଦିତେ ଲାଗିଲ ।

ପାଥରେର ଉପରେ ବସିଯା କଞ୍ଚାବତୀ କାନ୍ଦିତେଛେ । ଏମନ ସମୟେ କେ ଯେନ ଗୁଣ୍ଗୁଣ୍ଗୁ କରିଯା ତାହାର କାନେ ବଲିଲ, “ତୋମରା କାରା ଗୋ ! ତୁମି କାଦେର ମେଯେ ଗୋ !”

କଞ୍ଚାବତୀ ଏଦିକ ଓଦିକ ଚାହିଯା ଦେଖିଲ । ଶେଷେ ଦେଖିଲ ଯେ ଏକଟା ଛୋଟ ମଶା ତାର କାନେ ଏଇ କଥା ବଲିତେଛେ । କଞ୍ଚାବତୀ ଭାଲ କରିଯା ଦେଖିଲ । ଦେଖିଲ ସେଠି ନେହାତଙ୍କ ବାଲିକା-ମଶା ।

କଞ୍ଚାବତୀ ଉତ୍ତର ଦିଲ, “ଆମି ମାନୁଷେର ମେଯେ ଗୋ ! ଆମାର ନାମ କଞ୍ଚାବତୀ ।” ମଶା-ବାଲିକା ବଲିଲ, “ମାନୁଷେର ମେଯେ ! ଆମାଦେର ଥାବାର ? ବାବା ଯାଦେର ରକ୍ତ ନିୟେ ଆସେନ ? ଥାଇ ବଟେ କିନ୍ତୁ ମାନୁଷ କଥନ୍ତେ ଦେଖି ନି । ମାନୁଷ କୋନ୍ ଗାଛେ ହୟ ତାଓ ଜାନି ନା । ଦେଖି ଦେଖି, ମାନୁଷ କେମନ ଦେଖିତେ !”

ଏହି ବଲିଯା ମଶା-ବାଲିକା କଞ୍ଚାବତୀର ଚାରିଦିକେ ଉଡ଼ିଯା ଉଡ଼ିଯା ଦେଖିତେ ଲାଗିଲ । ଦେଖିଯା ବଲିଲ, “ତୁମି ବୁଝି ଧାଡ଼ି ନାହିଁ, ଛେଲେମାନୁଷ ! ଆମାରଙ୍କ ମତ ବାଚ୍ଚା ! ତା ବେଶ ! ଆମାର ନାମ ରକ୍ତବତୀ, ତୋମାର ନାମ କଞ୍ଚାବତୀ । ଆମାଦେର ନାମେ ନାମେ ବେଶ ମିଳ ହେଯାଇଛେ । ଏମ ଆମରା କିଛୁ ଏକଟା ପାତାଇ ।”

কঙ্কাবতী বলিল, “কিছু পাতিয়ে আমোদ আহ্লাদ করি এমন আমাৰ সময় নয়—আমাৰ স্বামী হাৱিয়েছে তাৰই ছুঁথে আমি মৱছি।”

রক্তবতী বলিল, “তোমাৰ স্বামী হাৱিয়েছে ? তাৰ ভাৰনা কি ? বাবা এলে বলে দেব তিনি তোমায় একটা স্বামী খুঁজে এনে দেবেন। এখন এস আমৱা ছুজনে একটা কিছু পাতাই। কি পাতাই বল তো ? দাঢ়াও, আমি পচাজল বড় ভালবাসি। তোমাৰ সঙ্গে পচাজল পাতাই। কি বলো ? তুমি আমাৰ পচাজল, আমি তোমাৰ পচাজল, কেমন ? এখন মনেৰ মত হয়েছে তো ?”

কঙ্কাবতী ভাবিল ইহার সঙ্গে তর্ক কৰা বৃথা, চূপ কৰিয়া থাকাই ভাল। সে মুখে বলিল, “বেশ, তুমি আমাৰ পচাজল, আমি তোমাৰ পচাজল !”

রক্তবতী তখন কঙ্কাবতীৰ সঙ্গে নানারকম গল্প কৰিতে লাগিল। সে একবাৰ জিজ্ঞাসা কৰিল, “পচাজল তোমাৰ আৱ ছুটো পা কোথায় ? ভেড়ে গেছে বুঝি ! তাই বুঝি তুমি কাঁদছ ? তা কেঁদো না ; আবাৰ পা হবে ; আমাৰও ভেড়ে গিয়েছিল আবাৰ হয়েছে।”

খানিক পৱে রক্তবতী জিজ্ঞাসা কৰিল, “হ্যাঁ তাই পচাজল, তোমাৰ নাক কই !” কঙ্কাবতী বুঝিল সে শুঁড়েৰ কথা বলিতেছে। এইৱেকমে ছুইজনে অনেক কথা হইল। রক্তবতীই বেশী কথা বলিল।

কঙ্কাবতী কেবলই তাবিতেছে “ব্যাঙ আৱ মশাৱ জ্বালায়  
ভাল বিপদেষ্ট পড়েছি ; কোথায় তাড়াতাড়ি গাঁয়ে ফিৱে গিয়ে  
স্বামীৰ চিকিৎসাৱ ব্যবস্থা কৱব,—না পচাজল—আৱ পচা-  
জল !”

রক্তবতী বলিল, “ঐ যে পাতাটা দেখছ, তাৱ কোণটি  
কুঁকড়ে আছে ওৱ ভিতৱে আমাদেৱ ঘৱ। আমাৱ বাবা আৱ  
মা-ৱা থাকেন। আমাৱ তিন মা। আমি তাঁদেৱ কথা বলি।”  
এই বলিয়া রক্তবতী উড়িয়া গেল ; খানিক পৱে আসিয়া  
বলিল “পচাজল, চল, আমাৱ মাৱ সঙ্গে দেখা কৱবে।”

কঙ্কাবতী আৱ কি কৱে ? উঠিয়া পাতাটিৰ কাছে গেল।  
এক মশানী পাতাৱ ভিতৱ হইতে মুখ বাড়াইয়া বলিল, “হঁয়া  
গা বাছা ! তুমি বুঝি আমাৱ রক্তবতীৰ সঙ্গে পচাজল  
পাতিয়েছ ? বেশ ! বেশ ! তা ও তোমাৱ স্বামীৰ কথা কি  
বলছিল ?”

কঙ্কাবতী বলিল, “ওগো আমাৱ স্বামীকে নাকেশৰী  
খেয়েছে ; তাকে বাঁচাতে আমি গাঁয়ে যাচ্ছি, যদি ভাল বঢ়ি  
পাই। কিন্তু কোন্ পথে যাৰ জানি না। এই অঙ্ককাৱে  
পথও দেখতে পাচ্ছি না। তোমৱা যদি আমাৱ পথটা দেখিয়ে  
দাও তো আমাৱ বড় উপকাৱ হয়।”

মশানী বলিল, “তুমি ছেলেমানুষ, কিছু বোঝো না। আমৱা  
কি যে সে মশাৱ স্ত্ৰী যে ঘৱেৱ বাইৱে যাই ? উনি আশুন্ ;  
এলে না হয় যা হয় একটা কৱা যাবে।”

ইতিমধ্যে আর এক মশানী পাতার ভিতর হইতে উকি  
মারিয়া দেখিয়া মুখ বাড়াইল। সে হইল বড় মশানী, মশাৰ  
পাটৱাণী।

বড় মশানী বলিল, “ওটা একটা মানুষের ছানা বুঝি ! তা  
বেশ হয়েছে ওকে আমি পূৰ্ব ; আমাৰ ছেলেপিলে নেই।”

মেজ মশানী আৱ এক পাশ দিয়া উকি মারিয়া বলিল,  
“দিদি, তোমাৰ এক কথা ! যদি পূৰ্বতে হয় ঠিকমত পোৰা,  
যেমন মানুষে গুৰু পোৰে তেমনই। ঘৰে একটা মানুষ পোৰা  
থাকলে যখন ইচ্ছা টাটকা রক্ত খেতে পাৰে।”

রক্তবতীৰ মা বলিল, “তোমাদেৱ সব এক কথা। সব  
তাতেই তোমাদেৱ দৱকাৰ। রক্তবতী ওকে পথে কুড়িয়ে  
পেয়েছে ও তোমাদেৱ দেবে কেন ? কৰ্তা আশুন তোমাদেৱ  
সব মতলব তাকে বলব। দেখি তিনি কি কৱেন !”

এই কথায় তিন মশানীতে ধুন্দুমাৰ ঝগড়া বাধিয়া গেল।  
কঙ্কাবতী দেখিল ভাল বিপদ।

### ভৱোদ্ধন পরিচ্ছন্ন

### মশা প্ৰভু

তিন সতীনে তুমুল লড়াই কাজিয়া চলিতেছে এমন সময়ে  
মশা বাড়ী আসিলেন। ঘৰে কচকচি শুনিয়া মশাৰ সৰ্বশৱীৰ  
জলিয়া গেল। সে রাগ কৱিয়া বলিল, “তোমাদেৱ ঝগড়াৰ

জ্বালায় ঘরের কাছে গাছের ডালে কাক চিল বসতে পারে না । আমারও ইচ্ছা হয় গলায় দড়ি দিয়ে মরি । এই সেদিন ধর্মে ধর্মে প্রাণটা কোনমতে বেঁচেছে । এক আফিমখোরের গায়ে বসেছিলাম । কি তেঁতো তার রক্ত ! একশুঁড় রক্ত সব ফেলে দিতে হল ! বার বার কুলকুচো করে তবে প্রাণ বাঁচল । কিন্তু তোমাদের জ্বালায় আর বুঝি বাঁচি না ।”

স্বামীর রাগ দেখিয়া সতৈনদের লড়াই থামিল । খানিক পরে মশাৰ রাগ থামিল । তখন রক্তবতী গিয়া তার কোলে বসিল । বলিল, “বাবা, আমার পচাজল এসেছে ।”

মশা জিজ্ঞাসা করিল, “পচাজল আবার কি ?”

তখন রক্তবতীর মা সব কথা বলিল, আবা বলিল, “কঙ্কাবতী যখন আমার মেয়ের পচাজল তখন তার দুঃখ দূর করতে হবে ।”

মশা জিজ্ঞাসা করিল, “সে মানুষের মেয়েটি কোথায় ?”  
রক্তবতীর মা বলিল, “ওই বাইরে বসে আছে ।”

তখন মশা ও রক্তবতী উড়িয়া কঙ্কাবতীর কাছে আসিল ;  
মশাকে দেখিতেই কঙ্কাবতী হাত জোড় করিয়া দাঢ়াইল ।

মশা বলিল, “আমি তোমায় সাহায্য করব, তার আগে  
আমার জানা চাই তুমি কাব সম্পত্তি ।”

কঙ্কাবতী কিছুই বুঝিতে পারে না সে আবার কাহার,  
সম্পত্তি । মশা তখন বুঝাইয়া বলিল, পৃথিবীর সকল মানুষ  
মশাদের ভাগ করিয়া দেওয়া হইয়াছে ; একজনের ভাগে আব  
একজন কিছু করিতে পারে না । কঙ্কাবতী বলিতে পারে না

সে কোন্ মশাৰ ভাগে পড়িয়াছে। তখন মশা তাহার গ্রামের নাম খোঁজ কৱিয়া দৃত পাঠাইল; তাহারা সব খবর লইয়া আসিয়া জানাইল কঙ্কাবতীৰ মালিক তিনটি মশা; তাহাদেৱ নাম গজগণ, বৃহৎমুণ্ড, বিকৃতমুণ্ড। রক্তবতীৰ বাপেৱ নাম দীৰ্ঘশুণ্ড। দীৰ্ঘশুণ্ড তখন গজগণ ও আৱ দুই মশাৰ কাছে প্ৰস্তাৱ পাঠাইল কঙ্কাবতীকে কিনিবাৰ জন্ম। শেষে অনেক দৰাদৰিৰ পৱ তিনছটাক নৱৱৰ্ত্ত দিয়া দীৰ্ঘশুণ্ড কঙ্কাবতীকে কিনিয়া লইল। তখন আৱ তাহাকে সাহায্য কৱিবাৰ বাধা রহিল না।

দীৰ্ঘশুণ্ড বলিল, “নাকেশ্বৰী তোমাৰ স্বামীকে খেয়েছে। এখন নাকেশ্বৰীৰ হাত হতে বাঁচাতে পাৱে এমন একটি মাত্ৰ লোককে আমি জানি, সে আমাৰ তালুকে থাকে। তাৱ নাম খৰুৱ মহারাজ। লোকটা গুণী। তাকে দেখলে ভূত পালায়। সে অনেক মন্ত্ৰতন্ত্ৰ জানে।”

কঙ্কাবতী তাড়াতাড়ি বলিয়া উঠিল, “তাহলে আৱ দেৱী কৱা নয়, এখনই তাৱ কাছে চলুন যাই।”

রক্তবতীৰ বাবা বলিল, “বাছা আমাৰ তালুক তো নেহৎ কাছে নয়। দাঁড়াও আমাৰ ছোট ভাইকে ডেকে পাঠাই, তাৱ পিঠে চড়ে সকলে যাওয়া যাবে।”

.. মশা তাৱ ছোট ভাইকে ডাকাইয়া পাঠাইল। ছোট ভাই আসিয়া উপস্থিত হইল। মশানীৱা তাকে ‘হাতী ঠাকুৱপে’, ‘হাতী ঠাকুৱপে’ বলিয়া অনেক আদৰযত্ন ও ঠাট্টাতামাস।

করিল। বনের সকলেই তাহাকে ‘হাতী ঠাকুরপো’ বলিয়া ডাকে।

রক্তবতী তাহাকে বলিল, “কাকা, এই দেখ আমি এক মানুষের ছানা পেয়েছি। এর সঙ্গে আমি ‘পচাজল’ পাতিয়েছি। এ আমাকে খুব ভালবাসে। আমি একে খুব ভালবাসি।”

কঙ্কাবতী তো অবাক। মশার ছোট ভাই প্রকাণ্ড এক হাতী।

রক্তবতীর বাবা হাতীকে বলিল, “ভায়া, বড় বিপদে পড়েছি। রক্তবতী এক মানুষের মেয়ের সঙ্গে ‘পচাজল’ পাতিয়েছে। মেয়েটির স্বামীকে নাকেশ্বরী খেয়েছে। তাই এ কেবল কাঁদছে। আমার ইচ্ছে এর স্বামীকে উদ্ধার করে দিই। কিন্তু সে কাজ পারবে এক খুর মহারাজ। কিন্তু মানুষের মেয়েটি কেঁদে কেঁদে আর পথ চলতে পারবে না; তাই তোমাকে ডেকেছি; যদি ভাই তুমি আমাদের পিঠে করে নিয়ে যাও তো বড় উপকার হয়।”

হাতী ঠাকুরপো রাজি হইল। তখন কঙ্কাবতী মশানী ও রক্তবতীর নিকট হইতে বিদায় লইল। তারপর মশা ও সে হাতীর পিঠে চড়িয়া খুরের বাড়ী রওনা হইল।

## চতুর্দশ পরিচ্ছন্ন

### খবুর

সারারাত চলিয়া যখন মশা ও কঙ্কাবতী খবুরের বাড়ীর কাছে আসিয়া পেঁচাইল তখন রাত্রি প্রায় শেষ হইয়া আসিয়াছে; আকাশে চাঁদ আছে। খবুর ইহারই মধ্যে বিছানা হইতে উঠিয়া দরজার কাছে মুখ ভার করিয়া বসিয়া আছে। খবুরের মুখ ভার দেখিয়া আকাশে চাঁদের মুখে আর হাসি ধরে না। তাই দেখিয়া খবুরের ভারি রাগ হইল; সে মনে মনে প্রতিজ্ঞা করিল “এই চাঁদকে আমি দেখে নেব।”

মশা, কঙ্কাবতী ও হাতী খবুরের বাড়ী উপস্থিত হইল। মশাকে দেখিয়া খবুর ব্যস্ত হইয়া হাত জোড় করিয়া বলিল “রোজ সন্ধ্যায় আসেন আজ দিনের বেলায় যে ?”

মশা বলিল, “বলছি, কিন্তু আগে শুনি তোমার মুখ ভার কন ?”

খবুর বলিল, “হজুর, আমাদের স্বামীস্ত্রীতে প্রায়ই মারামারি হয় কিন্তু আমি তার সঙ্গে কোনদিনই পারি না; আমি তিন হাত লম্বা, সে সাত হাত লম্বা। তার সঙ্গে আমি পারব কমন করে ? কিন্তু স্ত্রীর কাছে হেরে গিয়ে আমার মন বড়িরাপ হয়ে গেছে।”

মশা বলিল, “কোন ভাবনা নেই; আজ তুমি হাতী ভায়ার পঠে চড়ে স্ত্রীর সঙ্গে মারামারি করো, নিশ্চয় পারবে।”

## ছোটদের কঙ্কালতী

খবু'র খুশী হইয়া হাতৌর পিঠে চড়িয়া বাড়ীর ভিতর গিয়  
স্ত্রীর সঙ্গে মারামারি করিতে গেল। স্ত্রী পারিবে কেন



খবু'র

খানিক পরেই সে মার খাইয়া হার মানিল। খবু'রের অ<sup>.</sup>  
আনন্দ ধরে না। সে মশাকে বার বার ধন্তবাদ দিল

তাহার পর কি জন্ম তাহারা আসিয়াছে সে কথা জিজ্ঞাসা করিল ।

উত্তরে মশা আঢ়োপান্ত সকল কথা শুনাইল । খবুর শুনিয়া বলিল, “আপনাদের কোন ভাবনা নেই । নাকেশ্বরীর ত হতে কঙ্কাবতীর স্বামীকে নিশ্চয়ই উদ্ধার করে দেব । এখন লুন নাকেশ্বরীর কাছে যাই ।” তখন আবার তাহারা সেই পাহাড়ের দিকে যেখানে নাকেশ্বরী থাকে সেখানে যাত্রা করিল এবং বেলা দুপুরের সময় পাহাড়ের কাছে আসিয়া উপস্থিত হইল ।

### পঞ্চদশ পরিচ্ছন্দ

#### মাসী বোনঝি

নাকেশ্বরী যখন খেতুকে পাইল তখন খেতু প্রায় মর মর ইয়াছে । সে কিছুই জানিতে পারিল না । খেতুকে পাইয়া কেশ্বরীর আর আনন্দ ধরে না । সে ভাবিল “অনেক দিন মন খাবার জোটে নি; ভাল করে রাঁধি । যাই মাসীকে নমস্কর করে ডেকে আনি ।” তাই পাছে পচিয়া যায় বলিয়া কেশ্বরী খেতুকে না মারিয়া অজ্ঞান করিয়া মাসীকে ডাকিতে লিয়া গেল ।

নাকেশ্বরীর মাসীর বাড়ী অনেক দূর; সাত সমুদ্র তের নদীর

পার সেই একচেতো মুল্লাকের ধারে। সেখানে যাইতে আসিলে  
অনেক দেরী হইল।

মাসী বুড়ো মানুষ, দাঁত নাই। খেতুর নরম মাংস দেখিয়  
মাসীর আর আহলাদের সীমা নাই। বলিল “একঠেক্ষে  
মুল্লুকের মানুষের দড়িপানা শক্ত মাংস আর চিবাতে পারি না  
আজ ছঠেক্ষে মানুষের মাংস কেটে ভাজা কর, আঙুল দিয়ে  
চচড়ি কর, আর খানিকটুকু অঙ্গুল করে রাখ, তৃদিন খাওয়  
যাবে।”

মাসী বোনবিতে এইরকম পরামর্শ হইতেছে এমন সময়  
বাইরে গোলমাল শোনা গেল, মানুষের গলার শব্দ, মশার  
গুন্ডুন, হাতীর ডাক তাহাদের কানে আসিল।

নাকেশ্বরী ব্যস্ত হইয়া বলিল, “মাসি, সর্বনাশ হল ; মুখের  
গ্রাস বুঝি কেড়ে নেয় ! ছুঁড়ী বুঝি ওৱা ডেকে এনেছে !”

মাসী বলিল, “চল চল। দরজার ওপরে ঢজনে পা ফাঁক  
করে দাঁড়াই।”

মশা, কঙ্কাবতী ও খুরুর সুড়দের তিতর নীচে চুকিল ;  
চুকিবার সময় নাকেশ্বরী ও তাহার মাসীর পায়ের দিক দিয়ে  
তাহাদের ঘাইতে হইল কিন্তু তাহারা বুঝিতে পারিল না ।

তিতরে চুকিয়া তাহারা খেতুর কাছে গেল ; দেখে খেতু  
অজ্ঞান হইয়া পড়িয়া আছে । খবুর বলিল, “কঙ্কাবতী, তোমা  
কোন ভয নেই, তোমাৰ স্বামী এখনও বেঁচে আছে । আমি  
এখনই এৱ বিহিত কৱছি ।” এই বলিয়া খবুর মন্ত্র পড়িতে

লাগিল, খেতুর মাথায় ফুঁ দিতে লাগিল। কিন্তু কিছুতেই কিছু হইল না, খেতু যেমনকার তেমন পড়িয়া রহিল।

খবুর অবাক হইয়া বলিল “এক হল ? আমার মন্ত্র তো বিফল হয় না। আজ এক হল ?”

খবুর অনেক ভাবিল, পরে বলিল, “চলুন আমরা একবার বাইরে গিয়ে দেখি।” বাহিরে আসিবার সময় খবুর চারিদিক তন্ম তন্ম করিয়া দেখিল। তখন দেখিতে পাইল ভূতিনীরা পাঁক করিয়া দরজার উপর দাঢ়াটিয়া আছে। তখন সে মনে মনে বলিল, “বটে, চালাকি তো কম নয় !”

খবুর এবার দরজার বাহির হইতেই মন্ত্র পড়িতে লাগিল। মন্ত্রের চোটে ভূতিনীরা পলাইয়া গেল। তখন খবুর আবার ঘরের ভিতর গিয়া ঝাড়ফুক শুরু করিল। ক্রমে মন্ত্রবলে নাকেশ্বরী আসিয়া খেতুর দেহে ভর করিল এবং খেতুর মুখ দিয়া অনেক কথা বলিতে লাগিল। প্রথমে বলিল সে খেতুকে ছাড়িবে না, খাইবে, সে পরের ধন চুরি করিয়াছে। শেষে খবুর যখন একটা কুমড়োতে মন্ত্র পড়িয়া কুমড়োটি কাটিয়া আহকে মারিবার ব্যবস্থা করিল, তখন নাকেশ্বরী কাকুতি মিনতি করিতে বলিল, “আমাকে মারবেন না, কুমড়োয় কাপ দেবেন না। আমি সত্যি কথা, সব কথা বলছি। আমায় ধারলেও খেতু বাঁচবে না। এখনি মরে যাবে। এর আয়ু শেষিয়েছে। আমি এর পরমায়ু নিয়ে কচুপাতে বেঁধে লিঙাছের মাথায় রেখেছিলাম, মনে করেছিলাম মাসী এলে রমায়ুটুকু চাটনি করে থাবো, তা পরমায়ু সমেত কচুপাতাটা

হাওয়ায় তালগাছ থেকে পড়ে গেছে। পিংপড়েতে সেটুকু  
থেয়ে ফেলেছে। এখন আর আমি পরমায় কোথায় পাব  
বে রোগীকে এনে দেব ?”

খবুর খড়ি পাতিয়া গুণিয়া দেখিল নাকেশ্বরী যাহা বলিতেছে  
সত্য। তখন সে নাকেশ্বরীকে বলিল, “সে পিংপড়েগুলো  
কোথায় খুঁজে দেখ ?”

তখন নাকেশ্বরী ও তাহার মাসী পিংপড়েদের সন্ধানে বাহির  
হইল; কিন্তু কত খুঁজিল সন্ধান মিলিল না। শেষে কানা  
পিংপড়ের সঙ্গে দেখা হইলে সে বলিল, “তালতলায় কচুপাতা  
হতে মাছুয়ের মিষ্টি পরমায়ুটুকু চেটেচুটে থেয়ে হাত মুখ মুছে  
পিংপড়েরা বাড়ী যাচ্ছিল এমন সময়ে সাহেবের পোষাক পরা  
এক ব্যাঙ তাদের থেয়ে ফেলেছে।”

নাকেশ্বরী আসিয়া খবুরকে খবরটা দিল। খবুর তখন  
আবার তাহাকে ব্যাঙের সন্ধান করিতে পাঠাইল। নাকেশ্বরী  
দেখিল ভাল বিপদ; কিন্তু উপায় নাই; তাহাকে যাইতেই  
হইল। কথা না শুনিলে খবুর কুমড়োটি বলি দেবে অমি  
নাকেশ্বরীর গলাটি দুখানা হইয়া যাইবে।

নাকেশ্বরী অনেক খুঁজিল কিন্তু ব্যাঙের সন্ধান আর পাইল  
না। সে কোথায় গর্তের ভিতর বসিয়া আছে, নাকেশ্বরী  
কেমন করিয়া তাহাকে পাইবে ? নাকেশ্বরী আসিয়া খবুরকে  
বলিল, “আমায় মারুন আর কাটুন, ব্যাঙকে আমি পেলাম না।”

নাকেশ্বরীর কথায় খবুর অনেক ভাবিল; শেষে এক মুঠে  
সরিষা লইয়া মন্ত্র পড়িয়া ছাড়িয়া দিল; সরিষা গুলি ব্যাঙে

সন্ধানে ছুটিল। শেষে তাহারা ব্যাঙের খেঁজ পাইল; পাইয়া তাহাকে তাড়াইয়া লইয়া যেখানে কঙ্কাবতী ও মশার সঙ্গে খবুর বসিয়াছিল সেখানে হাজির করিল। ব্যাঙকে দেখিতেই কঙ্কাবতী তাহাকে চিনিল, ব্যাঙ ও কঙ্কাবতীকে চিনিল। তাহারা তখন ব্যাঙকে সব কথা বলিল।

### শ্বেতুশ পরিচ্ছন্ন

### খোকোশ

ব্যাঙ বলিল, “ঠিক কথা, সে পিপড়ের তো আমি খেয়ে ফেলেছি। দেখি গলা থেকে বের করে দিতে পারি কিনা।” এই বলিয়া ব্যাঙ গলায় আঙুল দিয়া অনেক চেষ্টা করিল কিন্তু কিছুই হইল না; খবুরও তাহাকে বমি করাইবার অনেক ঔষধ দিল; তাহাতেও কিছু হইল না। তখন খবুরের একটা কথা মনে পড়িল; সে ভাবিল, “এইবার চাঁদকে বাগে পেয়েছি। চাঁদের মূল এ রোগের অব্যর্থ ওষুধ, খাওয়ালেই ব্যাঙের বমি হবে।” সে মশাকে বলিল, “মশায়, এর একটিমাত্র ওষুধ আছে, সে হল চাঁদের শিকড়; সেই শিকড়ের ছাল এক তোলা সাতটা মরিচ দিয়ে বেটে খাইয়ে দিলেই ব্যাঙের বমি হবে, আর কিছুতে হবে না।”

কথাটা শুনিয়া সকলেরই মন ভারি হইয়া গেল; চাঁদের শিকড় কেমন করিয়া পাওয়া যায়? অত দূরে যাওয়াই বা

যায় কেমন করিয়া ? মশা বলিল, “আমি অনেক দূর যেতে পারি বটে কিন্তু চাঁদ পর্যন্ত না।”

খবুর বলিল, “একটা খোকোশের বাচ্চা পেলে কাজটা হয়। খোকোশের বাচ্চার পিঠে চড়ে সহজেই চাঁদে পৌছান যাবে ; কিন্তু খোকোশের বাচ্চা পাওয়া যাবে কোথায় ?”

ব্যাড় বলিল, “এক জায়গায় খোকোশের বাচ্চা হয়েছে সেটা আমি জানি। কিন্তু খোকোশের বাচ্চা তোমরা ধরবে কেমন করে ? ধরতে গেলেই খোকোশ খেয়ে ফেলবে। তা ছাড়া না হয় বাচ্চাই পাওয়া গেল, আকাশে যাওয়া তো চারটিখানি কথা নয় ; ওখানে ভয়ানক সেপাই আছে। সে আকাশ পাহারা দিয়ে বেড়ায় ; কানে শোনে না বটে, কিন্তু সে বড় ভয়ানক লোক। তাই বলছি সেখানে যাবে কে ?”

কঙ্কাবতী বলিল, “তার জন্যে আমাদের কোন ভাবনা নেই ; যদি খোকোশের বাচ্চা পাই তাহলে তার পিঠে চড়ে আমি আকাশে যাব। আমার আর কিসের ভয় !”

তখন খোকোশের বাচ্চা ধরাই স্থির হইল।

### সপ্তদশ পরিচ্ছন্ন

#### খোকোশের বাচ্চা

খোকোশের বাচ্চা ধরিয়া আকাশে উঠিয়া চাঁদের শিকড় আনিবার কথা নাকেশ্বরী ও তাহার মাসী বসিয়া শুনিল।



ভূতিনীমাসীর আকাশ চূণকাম

শুনিয়া তাহারা ছুইজনে পরামর্শ করিতে লাগিল যে যদি এই কাজটা বন্ধ করা যায় তো খবুরও আমাদের দোষ দিতে পারিবে না, অথচ আমাদের শিকারও হাতছাড়া হইয়া যাইবে না।

নাকেশ্বরী বলিল, “মাসী, তুমি এক কাজ করো; তোমার ঝুড়িতে বসে তুমি আকাশে ওঠো; উঠে সমস্ত আকাশ একেবারে চুণকাম করে দাও; তাহলে ঝুঁড়ি আর আকাশের ভেতর যেতে পথ খুঁজে পাবে না আর চাঁদও দেখতে পাবে না।”

মাসী বলিল, “ঠিক বলেছিস।” এই বলিয়া মাসী ঝুড়িতে বসিল; ঝুড়ি ‘হ’ ‘হ’ করিয়া আকাশে উঠিল আর নাকেশ্বরীর মাসী সমস্ত আকাশটা চুণকাম করিয়া দিল।

এদিকে মশারা খোকোশের বাচ্চা ধরিবার জন্য বাহির হইল। বাড়ীর বাহিরে আসিবার সময় মশা দেখিল একটা ঢাক পড়িয়া রহিয়াছে। সেটাকে সে হাতীর পিঠে তুলিয়া লইল। তখন হাতী যে বনে খোকোশের বাচ্চা হইয়াছে সেই বনের দিকে রওনা হইল।

একবার আকাশের দিকে চাহিয়া মশা বলিল, “কি হল? আজ দ্বিতীয়ার রাত; এখনও চাঁদ উঠিল না কেন? আর নক্ষত্রগুলোই বা গেল কোথায়, মেঘ তো করে নি; কি তাহলে আকাশ এত সাদাই বা হোল কেমন করে?”

সন্ধ্যার সময়ে সকলে খোকোশের গর্তের কাছে আসিয় উপস্থিত হইল। ধারী খোকোশ বাচ্চা চৌকি দিয়া গণে

বসিয়া আছে। কঙ্কাবতীর গন্ধ পাইতেই বলিল “হাঁড় মাঁড় খাঁড়, মনিষির গন্ধ পাঁড় ! তোরা কে রে এদিকে আসিস् ?”

মশা চৌৎকার করিয়া বলিল, “তুই কে ?”

খোকোশ বলিল, “আমি আবার কে, খোকোশ !”

মশা বলিল, “আমরা আবার কে, খোকোশ !”

উত্তর শুনিয়া খোকোশের ভয় হইল। তবুও সাহস করিয়া বলিল, “একবার কাস দেখি, কেমন তোদের কাসি !”

মশা তখন ঢং ঢং করিয়া ঢাকটা বাজাইল।

সেই শব্দ শুনিয়া খোকোশের বিশ্বাস হইল যে এরা খোকোশ ; কিন্তু আর একবার যাচাই করিয়া লইবার জন্য বলিল, “আচ্ছা, তোদের মাথার একগাছা চুল ফেলে দে তো দেখি !”

মশা তখন হাতীর কাছিটা ফেলিয়া দিল। খোকোশ দেখিয়া বলিল, “ওরে বাপ্”। কিন্তু তখনও তাহার সন্দেহ ঘোচে না ; সে বলিল, “আচ্ছা, দে তো দেখি তোদের মাথার একটা উকুন, তবে বুঝব তোরা সত্যিই খোকোশ কি না !”

মশা তখন হাতীকে বলিল, “ভায়া, এইবার !” হাতী ধূপ করিয়া গর্তের ভিতর গিয়া পড়িল ; পড়িয়াই শুড় দিয়া খোকোশের বাচ্চাকে জড়াইয়া ধরিল। এদিকে বাচ্চাটা চঁয়া চঁয়া করিয়া চৌৎকার করিতে লাগিল। খোকোশের ভয়ে প্রাণ উদ্ধিয়া গিয়াছে ; সে তাবিল, খোকোশের মাথার উকুনটাই এসে আমার বাচ্চাকে ধরল খোকোশরা এসে আমাকে না ধরে !” বাচ্চা ফেলিয়া খোকোশ পালাইল।



খোকোশের বাচা

তখন মশা কঙ্কাবতীকে বলিল, “তুমি এখন এর পিঠে চড়ে  
আকাশে যাও, চাঁদের শেকড় নিয়ে এস। আমরা এখানে  
বসে থাকলাম ; তুমি এলে খোকোশের বাচ্চাটাকে ফিরিয়ে  
দেব ; এটা এখনও নেহাত বাচ্চা, মায়ের দুধ থায় ; একে নিয়ে  
কি করব ? যা হোক, তুমি সাবধানে যেও ; আকাশের  
সেপাইয়ের কথা যেন মনে থাকে ।”

আকাশের দিকে চাহিয়া মশা আবার বলিল, “কিন্তু এতো  
ভারি আশ্চর্য ! এখনও কেন চাঁদ উঠল না ; একটা নক্ষত্রও  
দেখতে পাচ্ছি না । এদিকে আকাশ সাদা, এক টুকরো মেঘ  
নেই । কিছুই বুঝতে পারছি না । আকাশে উঠলে তুমি  
হয়তো বুঝতে পারবে ।”

### অষ্টাদশ পরিচ্ছন্ন

#### নক্ষত্রদের বৈ

কঙ্কাবতী খোকোশের বাচ্চার পিঠে উঠিয়া বসিল ; বাচ্চাটা  
আকাশে উড়িল আর দেখিতে না দেখিতে আকাশের কাছে  
গিয়া পৌঁছিল ।

আকাশের কাছে গিয়া কঙ্কাবতী দেখে সমস্ত আকাশটা  
কেবাবে চুণকাম করা । সে ভাবিল “মহা মুক্ষিল ! এখন  
ওপরে উঠি কেমন করে, কোথাও তো পথ দেখি না ।”

হতাশ হইয়া কঙ্কাবতী আকাশের চারিধারে পথ খুঁজিতে

লাগিল। অনেকক্ষণ খুঁজিয়া হঠাৎ এক জায়গায় ছোট একটি ফুটো দেখিতে পাইল। সেই ফুটো দিয়া নক্ষত্রদের বৌ উকি মারিতেছিল। কঙ্কাবতীকে দেখিয়া ভয়ে লুকাইল।

কঙ্কাবতী বলিল, “ওগো নক্ষত্রদের বৌ ! তোমার কোন ভয় নেই ! আমি মেয়ে মানুষ ; আমাকে দেখে আবার লজ্জা করো না ।”

তখন নক্ষত্রদের বৌ মুখটি বাড়াইল ; বলিল, “তুমি কে গা বাছা ; অনেকক্ষণ থেকে দেখছি কি খুঁজছ ? মনে করলাম জিজ্ঞেস করি। কিন্তু আমি বৌমানুষ, হঠাৎ কি কারও সঙ্গে কথা বলতে পারি ?”

কঙ্কাবতী বলিল, “বাছা, আমি আকাশের ভেতরে যাবার পথ খুঁজছি। আমার বড় দরকার ; নইলে আমার স্বামী বাঁচেন না ।”

নক্ষত্রদের বৌ বলিল, “পথ আর খুঁজে পাবে কেমন করে বলো ! এই সঙ্ক্ষেবেলায় এক ভূতিনী বুড়ি এসে সমস্ত আকাশটা চুণকাম করে দিয়ে গেছে। তা আমি তোমায় চুপি চুপি খিড়কী দোরটা খুলে দিই। তুমি এসো ।”

এই কথা বলিয়া নক্ষত্রদের বৌ আকাশের খিড়কী দোরটি খুলিয়া দিল। সেই পথে কঙ্কাবতী আকাশের উপরে উঠিল। আকাশের ভিতর দিয়া কঙ্কাবতী খোকোশের বাছাটিকে একটা মেঘের ডালে বাঁধিয়া দিয়া চাঁদের খোঁজে চলিল। আকাশের মাঠে চারিদিকে নক্ষত্র ফুটিয়। আছে ; দূরে চাঁদ চাকার ম' বসিয়া আছে ।

## উনবিংশ পরিচ্ছন্ন

### ঁচাদের শিকড়

এদিকে চাদ খবর পাইয়াছে কে একটি মানুষের মেয়ে খন্তা  
কুড়ুল লইয়া তাহার মূল শিকড় কাটিয়া লইবার জন্ম  
আসিতেছে। খবরটা পাইয়া চাদের বড় ভয় হইল। সে  
আকাশের সিপাহীকে ডাকিয়া পাঠাইল। সিপাহী বৌরপুরুষ



চাদ ও দুর্দান্ত সিপাহী

ক্ষেত্রক্ষেত্রে কাগে একটু কম শোনে; চীৎকার করিয়া না বলিলে  
গুণিতে পায় না।

সিপাহী আসিল। চাদ চীৎকার করিয়া তাহাকে সব কথা

বলিলেন ; বলিলেন, “আমাৰ মূল শিকড় কাটতে মানুষ  
এসেছে ।”

সিপাহী ভাবিল চাঁদ তাহাকে কালা ঘনে করিয়া এত হঁ  
করিয়া কথা বলিতেছে । তাহার বড় রাগ হউল । বলিল,  
“নাও, আৱ অত হঁ কৰতে হবে না ; শেষকালে চিড় খেয়ে  
ফেটে ছুটকৱা হয়ে যাবে ।”

চাঁদ একটু কম হঁ করিয়া আবাৱ বলিল, “আমাৰ মূল  
শিকড় কেটে নিতে মানুষ এসেছে ।”

এবাৱ সিপাহী বলিল, “আৱ অত চুপি চুপি কথা কইতে  
হবে না । কোথাও ডাকাতি কৰবে নাকি ? কৰলে কিন্তু  
আমায় ভাগ দিতে হবে ।”

চাঁদ দেখে মহাবিপদ । সে বলিল, “না, না, ডাকাতিৰ কথা  
বলি নি । আমি বলছি আমাৰ মূল শিকড় কাটতে মানুষ  
এসেছে ।”

এতক্ষণে সিপাহী কথাটা শুনিতে পাইল । শুনিয়া বলিল,  
“বেশ তো, কেটে নিয়ে যাবে, নিয়ে যাক ; তাতে আৱ কি ?”

চাঁদ বলিল, “বা রে তুমি আকাশেৰ চৌকিদার ! আমাদেৱ  
দেখবে না ?”

সিপাহী বলিল, “তোমায় বাঁচাতে গিয়ে যদি আমায় নিয়ে  
টানাটানি কৰে । বাবা, আপনি বাঁচলে বাপেৱ নাম ।” এই  
বলিয়া সিপাহী পালাইল ।

. চাঁদ ভাবিল “কি কৱা যাবে ? যা কপালে আছে তাই  
হবে ; না হয় দেখাই যাক ।”

কঙ্কাবতী কাছে আসিতেই চাঁদ করিল কি, চঙ্গু বুজিয়া  
নিশাস বন্ধ করিয়া মড়ার মত পড়িয়া রহিল ; যদি মরা দেখিয়া  
কঙ্কাবতী কিছু না করে। কঙ্কাবতী চাঁদের এই অবস্থা দেখিয়া  
ভাবিল “আহা, শিকড় কেটে নেব এই ভয়ে বুঝি এমন সুন্দর  
চাঁদ মারা গেল। চাঁদ গেলে আর তো জ্যোৎস্না হবে না, চির-  
কাল অমাবস্যা থাকবে। কি হবে ?”

কঙ্কাবতী আর একটু ভাল করিয়া দেখিতে গিয়াই টের  
পাইল যে চাঁদ মরে নাই। ভাবিল “মূর্ছা গিয়াছে ভালই  
হইয়াছে। এখন শিকড় কাটিয়া লইলে লাগিবে না। আমার  
তো বেশী শিকড় চাই না ; এক তোলা হইলেই চলিবে।” এই  
ভাবিয়া ছুটিয়া গিয়া শিকড় চাঁচিতে লাগিল। চাঁদ বলিয়া  
’উঠিল, “উঃ লাগে যে !”

কঙ্কাবতী বলিল, “ভয় নেই, এই হয়ে গেল।”

চাঁদ জিজ্ঞাসা করিল, “আবার গজাবে তো ?”

কঙ্কাবতী বলিল, “নিশ্চয়।”

চাঁদ জিজ্ঞাসা করিল, “যদি ঘা হয় ?”

কঙ্কাবতী বলিল, “একটু ঘি গরম করে দিও।”

চাঁদ বলিল, “তুমি বুঝি ডাক্তার ?” কঙ্কাবতী বলিল, “না,  
ডাক্তার নই, তবে দুএকটা ওষুধ জানি।” চাঁদ জিজ্ঞাসা করিল,  
“দাতের ব্যথার ওষুধ জানো ? আমার বড় দাতের ব্যথা।”

কঙ্কাবতী বলিল, “তোমার দাতের ব্যথা আর সারবে না ;  
বয়েস হয়েছে তো ? আর তো খোকা নও। এখন দাতগুলো  
একে একে পড়ে যাবে। তা তোমার যদি সখ হয়, তাহলে

আমাৰ সঙ্গে চলো ; তোমাৰ দাঁতগুলো তুলিয়ে দাঁত বাঁধিয়ে দেব।”

চাঁদ দেখে মহাবিপদ। সে বলিল, “না, না, থাক্। তুমি এখন যাও। দেৱী হলে লোকে ভাববে। আৱ আমি এত ভাৱী, তুমি আমায় নিয়ে যেতে পাৱবে কেন ?”

কঙ্কাবতী বলিল, “কি বললে ? তুমি ভাৱী ; আমি তোমায় নিয়ে যেতে পাৱব না ; বটে ? তোমাৰ চেয়ে বড় বড় বগি থালা আমি কত মেজেছি। দেখ তোমায় নিয়ে যেতে পাৱি কি না।”

এই বলিয়া কঙ্কাবতী আঁচল পাতিল ; চাঁদ ধৰে আৱ কি ? তখন চাঁদের বৌ আৱ ছেলেমেয়েগুলি আসিয়া কান্নাকাটি কৱিতে লাগিল ; চাঁদের ছোট মেয়েটি কাঁদে আৱ থাকিয়া থাকিয়া কঙ্কাবতীকে চিমটি কাটে।

কঙ্কাবতী তখন চাঁদনীকে বলিল, “ওগো বাছা, তুমি তোমাৰ এ মেয়েকে সামলাও। দৱকাৱ নেই আমাৰ তোমাৰ স্বামীকে নিয়ে যাবাৱ। তোমাৰ স্বামী বলছিল তাৱ দাঁত নড়ে ; তাই ভেবেছিলাম ওকে নিয়ে গিয়ে ওৱ দাঁত বাঁধিয়ে দেব ওৱই ভাল হ'ত। তা থাক্, তোমাদেৱ যখন এত আপত্তি ওকে নাই নিয়ে গেলাম।”

চাঁদনী বলিল, “হঁয়া তুমি এখন ঘৰে ফিৱে যাও, তোমাৰ তো কাজ হয়েছে।”

কঙ্কাবতী বলিল, “আমাৰ ভাৱী ইচ্ছা হচ্ছে কয়েকটা<sup>নকুল্ত্ৰ</sup>, তুলে নিয়ে যাই। এখানে তো কত রয়েছে ! কিন্তু অত সব বুয়ে নিয়ে যাব কেমন কৱে ? একটা মুটে চাই।”

চাঁদনী বলিল, “মুঠে কি আৱ পাৰে ? সবাই তোমাৱ ভয়ে  
ঘৰে খিল দিয়েছে ।”

### বিংশ পরিচ্ছেদ তালপাতাৰ সেপাই

দূৰে একটা লোক মেঘেৰ পাশ হইতে উকি ঝুঁকি  
মাৱিতেছিল। কঙ্কাবতী তাহাকে ডাকিল ; ডাকিতেই সে  
উৎস্থাসে ছুটিয়া পালাইল। কঙ্কাবতীও তাহাৰ পিছনে  
ছুটিল। ছুটিতে ছুটিতে লোকটা এক ঢিপি মেঘে হোঁচট  
থাইয়া পড়িয়া গেল। তখন কঙ্কাবতী ছুটিয়া গিয়া তাহাকে  
ধৰিয়া ফেলিল। ধৰিয়া দেখে লোকটাৰ শৱীৰ তাল-পাতা  
দিয়া তৈয়াৱৈ, তালপাতাৰ হাত, পা, নাক, সবই তালপাতাৰ।

কঙ্কাবতী অবাক হইয়া জিজ্ঞাসা কৱিল, “তুমি কে ?”

সে উত্তৰ কৱিল, “আমি আকাশেৰ দুর্দান্ত সেপাই !”

কঙ্কাবতী জিজ্ঞাসা কৱিল, “তা তোমাৰ শৱীৰ তালপাতাৰ  
কেন ?”

লোকটা রাগ কৱিয়া উত্তৰ দিল, “তালপাতাৰ হবে না তো  
কিসেৰ হবে ? ইট, পাথৰ চূণ সুৱকি দিয়ে কি রেক্তাৰ গাঁথুনি  
কৰে তৈৱৈ হবে ? তুমি এত জানো, তালপাতাৰ সেপাইয়েৰ  
নাম জানো না ? আমাৰ মত বৌৰ পৃথিবীতে আৱ নেই  
জানো না ? যাই হোক, এখন আমায় ছেড়ে দাও, আমি বাড়ী

যাই ; তুমিও বাড়ী যাও । তোমার কাজ তো হয়েছে ; শেকড় তো পেয়েছে ।”

কঙ্কাবতী বলিল, “দেখ দুর্দান্ত সেপাই, তোমাকে আমার একটা কাজ করে দিতে হবে । না হলে তোমায় আমি ছাড়ব না । এক বোৰা নক্ষত্র তোমায় বয়ে নিয়ে আমার সঙ্গে যেতে হবে ।”

সিপাহী আর করে কি ? কাজেই রাজী হইল । কঙ্কাবতীর অঁচলে আর ক'টি নক্ষত্র ধরিবে ? তাই কঙ্কাবতী ভাবিল, “নক্ষত্রগুলো কিসে বেঁধে নিয়ে যাই ?” সিপাহী বলিল, “তার আর ভাবনা কি ? চল, আকাশ-বুড়ির কাছে যাই ; সে চৱকা কেটে কত কাপড় করেছে ; তার কাছ থেকে না হয় একটা গামছা চেয়ে নেব ।”

আকাশ-বুড়ি বসিয়া চৱকা কাটিতেছিল । গামছা চাওয়াতে একটা গামছা ফেলিয়া দিল । তখন কঙ্কাবতী গামছা ভরিয়া ছেঁট বড়, ফুটন্ত আধ-ফুটন্ত, কুড়ি নানা রকমের নানা রঙের নক্ষত্র তুলিল । সেগুলি বাঁধিয়া সিপাহীর মাথায় দিল ।

সিপাহী ভাবিল “এতকাল চাকরী করলাম, কথনও মুটে-গিরি করতে হয় নি ; আজ তাও হল ।”

মোট মাথায় করিয়া সিপাহী আগে আগে চলিল, কঙ্কাবতী পিছনে পিছনে চলিল । খোকোশের বাচ্চার কাছে পেঁচিয়া কঙ্কাবতী বলিল, “এখন তুমি যেতে পারো ; আমার আরং দুরকার নেই ।” বলিতে না বলিতেই সিপাহী মোট রাখিয়া এমন ছুট দিল যে নিমেষের মধ্যে তাহার টিকিও দেখা গেল না ।

কঙ্কাবতী মোটটা লইয়া খোকোশের বাচ্চার পিঠে চড়িল ;  
খোকোশের বাচ্চা আবার পৃথিবৌতে নামিতে লাগিল ।

যেখানে মশা, হাতৌ ও খবুর অপেক্ষা করিতেছিল কঙ্কাবতী  
সেখানে আসিয়া পৌছাইল । খোকোশের বাচ্চাটিকে তখন  
ছাড়িয়া দেওয়া হইল । বাকা সকলে পাহাড়ের ভিতর বাড়ৈতে  
ফিরিয়া গেল । সেখানে গিয়া খবুর ব্যাঙকে শিকড় বাটিয়া  
খাওয়াইয়া দিল ; খাওয়াইতেই ব্যাঙ ছড় ছড় করিয়া বমি  
করিতে আরম্ভ করিল । বমি করিতে করিতে সেই পিংপড়েগুলি  
বাহির হইল । খবুর তখন একটা সন্মা দিয়া পিংপড়ের পেট  
হইতে খুঁটিয়া খুঁটিয়া পরমায়ুর টুকরোগুলি বাহির করিয়া  
বলিলেন, “কৈ বেশী তো বার হোলো না ? এতে ফল  
'হবে না ।”

খবুর হতাশ হইয়া পড়িল, মশা বিষণ্ণ হইল, ব্যাঙের চোখ  
দিয়া ঝর ঝর করিয়া জল পড়িতে লাগিল । কঙ্কাবতী চুপ  
করিয়া বসিয়া রহিল । খুশী হইল শুধু নাকেশৰী ও তার মাসী ;  
তাহারা অদৃশ্য হইয়া সবকিছু দেখিতেছিল, শুনিতেছিল ।

যাই হোক পরমায়ুটুকু লইয়া খবুর খেতুর নাকে দিল ;  
দিতেই খেতু উঠিয়া বসিল । উঠিয়া বলিল, “উঃ অনেক বেলা  
হয়ে গেছে । এতক্ষণ ঘুমিয়েছিলাম, কঙ্কাবতী তুমি আমায়  
জাগিয়ে দিতে পারো নি ?”

কঙ্কাবতী বলিল, “সাধ্য থাকলে কি আর দিতাম না ?”

খেতু তখন চারিদিক চাহিয়া দেখিল ; দেখিল কঙ্কাবতী  
কাঁদিতেছে ; খবুর, মশা ও ব্যাঙ বিষণ্ণবদনে বসিয়া আছে

খেতু জিজ্ঞাসা করিল, “কঙ্কাবতী, তুমি কাঁদছ কেন?  
এরাই বা কারা?”

কঙ্কাবতী কোন উত্তর দিল না।

তখন খেতু বলিল, “আমার সব কথা এখন মনে  
পড়ছে। আমার মাথায় শিকড় ছিল না তাই নাকেশ্বরী  
আমায় খেয়েছিল। তুমি বুঝি এদের ডেকে এনে আমায়  
ভাল করেছ? তাহলে আর কাঁদছ কেন? আমি তো ভাল  
হয়ে গেছি। কেবল মাথাটা একটু টিপ্প টিপ্প করছে; দাও না  
মাথাটা একটু টিপে। দাও, দাও ব্যথা বাড়ছে। অসহ  
যন্ত্রণা! প্রাণ বুঝি গেল। ওগো তোমরা আমার কঙ্কাবতীকে  
দেখো।” বলিতেই খেতুর প্রাণ শেষ হইল।

খেতু মারা গেল।

ঘাড় হেঁট করিয়া সকলেই চুপ করিয়া বসিয়া রহিল।  
কাহারও মুখে কথা নাই। সকলের চোখ দিয়া জল পড়িতেছে।  
কেবল কঙ্কাবতী স্থির হইয়া বসিয়া আছে।

অনেকক্ষণ পরে খবুর বলিল, “এবার সব ফুরোলো।  
আমাদের এত চেষ্টা সব বৃথা গেল। তালগাছ থেকে পড়বার  
সময় পরমায়ুর বেশীর ভাগ বাতাসে উড়ে গেছে, সামান্য একটু  
পিংপড়েগুলো খেয়েছিল। তাতে আর মানুষ কতক্ষণ বাঁচে।”

এই বলিয়া খবুর কাঁদিতে লাগিল; মশা কাঁদিল, ব্যাঙ  
রুমাল দিয়া চোখ মুছিতে লাগিল, বাহিরে হাতী ঘন ঘন শুঁড়  
দিয়া ধূলা উড়াইতে লাগিল। কেবল কঙ্কাবতী চুপ, তাহার  
চোখে এক ফোটা জল নাই।

অবশেষে মশা বলিল, “ওঠো মা ; এখন আমরা তোমার স্বামীর সৎকার করি। তারপর বাড়ী যাব ; রক্তবতীকে দেখলে হয়তো তোমার মনে একটু শান্তি পাবে।” মশা, খবুর ও ব্যাঙ কঙ্কাবতীকে বুরুহাইতে লাগিল।

কঙ্কাবতী বলিল, “আপনারা আমার অনেক উপকার করেছেন, অনেক খেটেছেন। সে খাটুনিতে যে ফল হল না সে কেবল আমার অদৃষ্ট। ভগবান আপনাদের ভাল করবেন। আপনারা এতখানি করেছেন আর একটু করুন। আমি সতী হব, তার ব্যবস্থা আপনারা করে দিন।”

শুনিয়া সকলে স্তন্ত্রিত হইল, এতটুকু মেয়ে ! স্বামীর সঙ্গে চিতায় পুড়িয়া মরিবে ? কেবল নাকেশ্বরী ও তাহার মাসী খুশী হইয়া উঠিল ; এর জন্য আমাদের খাবার হাতছাড়া হইয়াছে, এখন এটা মরুক ! কঙ্কাবতীর কথা শুনিয়া মশা, ব্যাঙ প্রভৃতি সকলে মিলিয়া তাহাকে বুরুহাইতে চেষ্টা করিল, কিন্তু কঙ্কাবতী অটল, সে স্বামীর চিতায় প্রাণত্যাগ করিবে।

কঙ্কাবতীর প্রতিজ্ঞা দেখিয়া অবশেষে অত্যন্ত দুঃখের সঙ্গে সকলকে মত দিতে হইল। কঙ্কাবতী বলিল কুসুমঘাটিতে যে ঘাটে তাহার শ্বাশুড়িকে পোড়ানো হইয়াছিল সেই ঘাটে চিতা সাজানো হইবে, সেইখানেই সে সহমরণে যাইবে।

কঙ্কাবতী সতী হইবে চারিদিকে সংবাদ রাষ্ট্র হইয়া গেল ; সংকলে আসিয়া কুসুমঘাটির ঘাটে জড় হইল ; হাতীর পিঠে খেতুর দেহ লইয়া কঙ্কাবতী আসিল ; মশাৰ বাড়ী হইতে তিনি মশানী ও রক্তবতী আসিল। রক্তবতী আসিয়া কঙ্কাবতীর

গলা জড়াইয়া ধরিয়া কাঁদিতে লাগিল। কঙ্কাবতী তাহার হাতে নক্ষত্রগুলি দিয়া তিন ছড়া মালা গাঁথিতে বলিল ; এক ছড়া রক্তবতী লইবে আর দুই ছড়া কঙ্কাবতীর।

চিতা সাজানো হইল। তখন মেয়েরা আসিয়া কঙ্কাবতীকে সাজাইয়া দিল ; তাহাকে স্নান করাইয়া রাঙা চেলির কাপড় পরাইয়া দিল, রাঙা সূতা দিয়া হাতে আলতা বাঁধিয়া দিল ; কপাল জুড়িয়া সিঁহুর ঢালিয়া দিল।

পুরোহিত আসিয়া মন্ত্র পড়াইল। চিতা প্রদক্ষিণ করাইল, তাহার পর কঙ্কাবতী রক্তবতীর নিকট হইতে নক্ষত্রের মালা দুই ছড়া লইয়া চিতায় উঠিয়া এক ছড়া খেতুর গলায় পরাইয়া দিল, আর এক ছড়া নিজে পরিল। তাহার পর স্বামীর বাঁয়ে গিয়া শুইল।

তখন সকলে চিতায় আগুন দিল। চারিদিকে ঢাক ঢোল বাজিয়া উঠিল ; চিতা ধূ ধূ করিয়া জ্বলিয়া উঠিল।

কঙ্কাবতী ঘুমাইয়া পড়িল, অঘোর ঘুম, বড় সুখের ঘুম।

### একবিংশ পরিচ্ছন্ন

#### শেষ

কঙ্কাবতী ঘুমাইতেছে, বড় সুখের ঘুম। বৈঞ্চ বলিলেন  
“আর ভয় নেই, বিকার কেটে গেছে ; নাড়ী পরিষ্কার হয়েছে  
এখন একে ঘুমাতে দাও ; যেন ঘুম না ভাঙে।”

বৈঞ্চ চলিয়া গেলেন। রোগী ঘুমাইতে লাগিল, তাহার শিয়রে মা পাখা হাতে বসিয়া রহিলেন। আহার নির্দ। ত্যাগ করিয়া বাইশ দিন তিনি এমনই করিয়া কঙ্কাবতীর মাথার কাছে বসিয়া আছেন। এই বাইশ দিন যমে মানুষে যুক্ত হইয়াছে, শেষে যম হার মানিয়াছে। মায়ের সেবা মায়ের যত্ন জয়ী হইয়াছে। বিকারের ঘোরে কঙ্কাবতী কেবলই খেতুর কথা বলিয়াছে। তিনি শুনিয়াছেন আর চোখের জলে তাঁর বুক ভাসিয়াছে।

ভোর হইল ; কঙ্কাবতীর ঘুম ভাঙিল। সে অবাক হইয়া চারিদিক দেখিতে লাগিল। দিদি আসিয়া জিজ্ঞাসা করিল, “আমায় চিনতে পার ?”

কঙ্কাবতী ঘাড় নাড়িয়া আস্তে আস্তে বলিল, “পারি, তুমি বড় দিদি।”

ততু রায় আসিয়া জিজ্ঞাসা করিলেন, “কঙ্কাবতী, আজ কেমন আছ মা ?”

কঙ্কাবতী বলিল, “ভাল আছি, বাবা।”

তিনি একটু কাছে বসিলেন ; স্নেহভরে মেয়ের গায়ে মাথায় হাত বুলাইলেন। তাহার পর বাহিরে চলিয়া গেলেন।

কঙ্কাবতী ভাবিল, “মা বাবা দিদি সবাই দেখছি আমার সঙ্গে স্বর্গে এসেছেন, কিন্তু যাঁর সঙ্গে সহমরণে গেলাম তিনি কোথায় ?”

শেষে কঙ্কাবতী মাকে জিজ্ঞাসা করিল, “মা, তিনি কোথায় ?”

মা জিজ্ঞাসা করিলেন, “তিনি কে ?”

কঙ্কাবতী বলিল, “সেই যিনি বাঘ হয়েছিলেন ?”

মা বলিলেন, “তবে কি বিকার কাটে নি, এখনও প্রলাপ  
বকচে ?”

কথাটা শুনিয়া কঙ্কাবতীর মনে খটকা বাধিল। অনেকক্ষণ  
চুপ করিয়া থাকিয়া সে মাকে জিজ্ঞাসা করিল, “তবে কি  
আমার খুব অসুখ করেছিল ?”

মা বলিলেন, “হ্যা, বাছা, আজ বাইশ দিন তুমি বিছানায়  
পড়ে আছ। তোমার জ্ঞান ছিল না। তুমি যে বাঁচবে সে  
আশা ছিল না।”

কঙ্কাবতী বলিল, “মা আমি এক আশ্চর্য স্বপ্ন দেখেছি;  
সে স্বপ্ন আমার মনে গাঁথা আছে, যেন সত্যিই ঘটেছে। আছা  
মা, জনার্দন চৌধুরীর কি বৈ মরে গেছে ?”

মা বলিলেন, “হ্যা বাছা, সেই নিয়েই তো আমাদের যত  
বিপদ !”

কঙ্কাবতী জিজ্ঞাসা করিল, “আছা, গাঁয়ে কি দলাদলি  
হয়েছিল ?”

মা বলিলেন, “সে কথাও ঠিক। সেই নিয়ে লোকে খেতুর  
মাকে কত অপমান করল।”

কঙ্কাবতী জিজ্ঞাসা করিল, “তিনি এখন কোথায় ?”-

মা বলিলেন, “তিনি রোজ আসেন, তোমার সেবা করেন,  
এখন তুমি ভাল হয়ে উঠ, তাঁর হাতে তোমায় দিয়ে আমি  
নিশ্চিন্ত হই।”

কঙ্কাবতী বুঝিল, তবে খেতুর মা মরেন নাই। সে কথাটা স্মপ্ত। সে জিজ্ঞাসা করিল, “আচ্ছা, এই দলাদলির পর আমার জুর হয়, না, মা ?”

মা বলিলেন, “হ্যাঁ, তার পরেই তুমি জুরে অজ্ঞান হয়ে পড়ো। সে আজ বাইশ দিন।”

কঙ্কাবতী বলিল, “তারপর আমি নদীর ঘাটে গিয়ে একটা নৌকায় চড়ি, না, মা ?”

মা বলিলেন, “বালাই, তুমি নৌকায় চড়তে যাবে কেন ? সেই অবধিই তো তুমি বিছানায় পড়ে।”

কঙ্কাবতী বলিল, “মা, কত কি যে আশ্চর্য স্মপ্ত দেখেছি সে আর তোমায় কি বলব ? সেসব কথা মনে হলে হাসিও পায় কান্নাও পায়। সেসব কথা থাক্, এখন বলো সে দলাদলির কি হল ?”

মা উত্তর দিলেন, “সে দলাদলি সব মিটে গেছে। ক’দিন আগে জনাদন চৌধুরীর এক নাতি হঠাতে মারা গেল, নাতিটিকে চৌধুরী বড় ভালবাসতেন। তখন ভগবান তাঁকে সুমতি দিলেন। তিনি রামহরিকে কলকাতা থেকে আনালেন ; তার সঙ্গে অনেক পরামর্শ করলেন। তারপর রামহরি নিরঞ্জনকে ডেকে আনালেন। তখন রামহরি, নিরঞ্জন, আমাদের কর্তা আর খেতু সকলে মিলে জনাদন চৌধুরীর ওখানে গেলেন। চৌধুরী বললেন, “আমি পাগল হয়েছিলাম তাই বিয়ের কথা তুলেছিলাম। তাই নিরঞ্জন আর খেতুর ওপর এসব অত্যাচার করেছিলাম। ওসব কথা এখন যাক। তোমরা

কিছু মনে কোরো না ; এখন ষাটে এ'র মেয়েটা বাঁচে তা'র  
করো।” এই বলে জনার্দন চৌধুরী নিরঞ্জনকে অনেক বুঝি  
তাঁর জমি ফিরিয়ে দিলেন। খেতুকে অনেক আশীর্বাদ  
করলেন। তিনি আর সে মানুষ নেই। নিরঞ্জনও তাঁ  
ভিটেতে ফিরে এসেছেন। বিপদে পড়লে লোকের এমনি  
সুমতি হয়। আমাদের কর্তারও সুমতি হয়েছে, তোমার  
দাদারও মন ফিরেছে। এখন তুমি ভাল হয়ে ওঠো, তা'রপঃ  
ঠিক হয়েছে তোমার সঙ্গে খেতুর বিয়ে দেব। এখন তুমি আঃ  
কথা বোলো না।”

কঙ্কাবতী চক্ষু বুজিল ; তাহার মন আজ খুশীতে ভরি  
উঠিয়াছে।

কঙ্কাবতী আস্তে আস্তে ভাল হইয়া উঠিল। বিছানা  
শুইয়া শুইয়া সে তাহার সখীদের কাছে তাহার স্বপ্নের গল্প  
করিয়াছে ; সে কথা চারিদিকে রাষ্ট্র হইয়া গিয়াছে।

কঙ্কাবতী একেবারে ভাল হইয়া উঠিলে তাহার সঙ্গে খেতুর  
বিবাহ হইয়া গেল। সকলেই খুশি হইয়া বিবাহে যোগ দিল  
খুব মজা হইল, তহু রায় ঘটা করিয়া সাত গাঁয়ের লোক  
খাওয়াইলেন। সকলে আসিয়া খেতু আর কঙ্কাবতীকে  
আশীর্বাদ করিল। তাহার পর ? তাহারা সুখে স্বচ্ছন্দে ঘৰ  
কলা করিতে লাগিল। তাহার পর কি হইল ? তাহার পর  
“আমার কথাটি ফুঁড়োলো ; নটে গাছটি মুড়োলো।”









